



必修功课
经咒合订本

南无本师释迦牟尼佛



必修功课
经咒合订本

无我无为 顺道而行
造福苍生 普济亿灵

目 录

炉香赞	1
大佛顶首楞严神咒	4
大悲咒	23
般若波罗蜜多心经	27
佛说八大人觉经	28
金刚般若波罗蜜经	32
佛说阿弥陀经	60
往生咒	68
观世音菩萨普门品	69
大势至菩萨念佛圆通章	78
四种决定清净明诲	79
四十二章经	86
佛说法灭尽经	97
佛遗教经	101
忏悔文	112
回向文	113
持诵楞严咒之功德利益	114
印造佛经佛像之十大利益	123
助印功德芳名	125

炉香赞

炉香乍爇 法界蒙薰
诸佛海会 悉遥闻 随处结祥云
诚意方殷 诸佛现全身
南无香云盖菩萨摩诃萨
南无香云盖菩萨摩诃萨
南无香云盖菩萨摩诃萨

净身业真言

ān xiū duō lì xiū duō lì
唵 修哆唎 修哆唎
xiū mó lì xiū mó lì suō pó hē
修摩唎 修摩唎 娑婆诃

净口业真言

ān xiū lì xiū lì mó hē xiū lì
唵 修唎 修唎 摩诃修唎
xiū xiū lì suō pó hē
修修唎 娑婆诃

净意业真言

ān wá rì là dá hē hè hōng
唵 嚩日啰怛 诃贺斛

净三业真言

ān suō wá pó wá shú tuó suō wá dá
唵 娑嚩 婆嚩 秫驮 娑嚩达
mó suō wá pó wá shú duó hàn
摩娑嚩 婆嚩 秫度憾

安土地真言

ná mó sān mǎn duō mú tuó nán
南无三满哆 母驮喃
ān dù lu dù lu dì wěi suō pó hē
唵 度噜 度噜地尾 娑婆诃

普供养真言

ān é é nǎng sān pó wá fá rì là hōng
唵 诃诃曩 三婆嚩 鞞日啰斛

大佛顶首楞严神咒启请法

—大兴善寺三藏沙门大广智不空奉诏译

稽首光明大佛顶 如来万行首楞严
开无相门圆寂宗 字字观照金刚定
瑜伽妙旨传心印 摩诃衍行总持王
说此秘密悉怛多 解脱法身金刚句
菩提力大虚空量 三昧智印海无边
不持斋者是持斋 不行住坐卧每随
八万四千金刚众 护念加威受持者
十方方法界诸如 遍遍入于无相定
十念满一万八千 自在得名人胜佛
号称坚固金刚幢 诸天常闻说法声
纵使骂詈不思议 陀罗尼门最第一
神通变化佛顶力 掩恶扬善证菩提
大圣放光者薈葡 不嗅一切余香气
唯闻念二百五十 比丘尼犯八波罗
僧破念佛顶大明 还得具足声闻戒
闻念佛顶大怨家 常行十恶罪无边
若人杀害怨家众

暂闻灌顶不思议 恒沙罪障皆消灭
现受阿鼻大地狱 镬汤炉炭黑绳人
若发菩提片善心 一闻永得生天道
我今依经说偈颂 无量功德普庄严
听者念者得总持 同获涅槃寂灭乐

大佛顶首楞严神咒

南无楞严会上佛菩萨

南无楞严会上佛菩萨

南无楞严会上佛菩萨

妙湛总持不动尊 首楞严王世希有
销我亿劫颠倒想 不历僧祇获法身
愿今得果成宝刹 还是则是恒沙众
将此深心奉为证 明五浊恶世誓先入
如一众力大慈悲 终不更于十方除微细
大雄大力登无上 觉于十罗心无动
舜若多性可销亡 烁迦罗心无动转

南无常住十方佛 南无常住十方法
南无常住十方僧 南无释迦牟尼佛
南无佛顶首楞严 南无观世音菩萨
南无金刚藏菩萨

尔时世尊	从肉髻中	涌百宝光
光中涌出	千叶宝莲	有化如来
坐宝华中	顶放十道	百宝光明
一一光明	皆徧示现	十恒河沙
金刚密迹	擎山持杵	徧虚空界
大众仰观	畏爱兼抱	求佛哀祐
一心听佛	无见顶相	放光如来
宣说神咒		

第一会

nā mó sà dá tuō	sū qié duō yē	ā là hē dì sān
南无萨怛他	苏伽多耶	阿啰诃帝 三
miǎo sān pú tuó xiě	nā mó sà dá tuō	fó tuó jù zhī sè
藐三菩陀写	南无萨怛他	佛陀俱胝瑟
ní shān	nā mó sà pó	bó tuó bó dì sà duò pí bì
尼钿	南无萨婆	勃陀勃地 萨跢鞞弊

nā mó sà duō nán sān miǎo sān pú tuó jù zhī nán suō
南无萨多南 三藐三菩陀 俱知南 娑
shě là pó jiā sēng qié nán nā mó lú jī ā luó hàn
舍啰婆迦 僧伽喃 南无卢鸡 阿罗汉
duò nán nā mó sū lú duō bō nuó nán nā mó suō jié lī
哆喃 南无苏卢多波那喃 南无娑羯唎
tuó qié mí nán nā mó lú jī sān miǎo qié duò nán sān miǎo
陀伽弥喃 南无卢鸡 三藐伽哆喃 三藐
qié bō là dǐ bō duō nuó nán nā mó tí pó lí sè nǎn
伽波啰 底波多那喃 南无提婆离瑟赧
nā mó xī tuó yē pí dì yē tuó là lí sè nǎn shě bō
南无悉陀耶毗地耶 陀啰离瑟赧 舍波
nú jiē là hē suō hē suō là mó tuō nán nā mó bá là
奴揭啰诃 娑诃娑啰摩他喃 南无跋啰
hē mó ní nā mó yīn tuó là yē nā mó pó qié pó dì
诃摩尼 南无因陀啰耶 南无婆伽婆帝
lú tuó là yē wū mó bō dì suō xī yè yē nā mó pó
嚧陀啰耶 乌摩般帝 娑酰夜耶 南无婆
qié pó dì nuó là yě ná yē pán zhē mó hē sān mù tuó
伽婆帝 那啰野拏耶 盘遮摩诃 三慕陀
là nā mó xī jié lī duō yē nā mó pó qié pó dì mó
啰 南无悉羯唎多耶 南无婆伽婆帝 摩

hē jiā là yē dì lǐ bō là nà qié là pí tuó là bō
 诃迦啰耶 地唎般刺那伽啰 毗陀啰 波
 ná jiā là yē ā dì mù dì shī mó shě nà ní pó xī
 拏迦啰耶 阿地目帝 尸摩舍那泥 婆悉
 ní mó dá lǐ qié ná nā mó xī jié lǐ duō yē nā mó
 泥 摩怛唎伽拏 南无悉羯唎多耶 南无
 pó qié pó dì duō tuō qié duò jù là yē nā mó bō tóu
 婆伽婆帝 多他伽跢俱啰耶 南无般头
 mó jù là yē nā mó bá shé là jù là yē nā mó mó
 摩俱啰耶 南无跋阇啰俱啰耶 南无摩
 ní jù là yē nā mó qié shé jù là yē nā mó pó qié
 尼俱啰耶 南无伽阇俱啰耶 南无婆伽
 pó dì dì lǐ chá shū là xī nuó bō là hē là ná là
 婆帝 帝唎茶输啰西那 波啰诃啰拏啰
 shé yē duò tuō qié duō yē nā mó pó qié pó dì nā mó
 阇耶 跢他伽多耶 南无婆伽婆帝 南无
 ā mí duō pó yē duò tuō qié duō yē ā là hē dì sān
 阿弥多婆耶 跢他伽多耶 阿啰诃帝三
 miǎo sān pú tuó yē nā mó pó qié pó dì ā chú pí yē
 藐三菩陀耶 南无婆伽婆帝 阿刍鞞耶
 duò tuō qié duō yē ā là hē dì sān miǎo sān pú tuó yē
 跢他伽多耶 阿啰诃帝三藐三菩陀耶

nā mó pó qié pó dì pí shā shé yē jù lú fèi zhù lǐ
南无婆伽婆帝 鞞沙阁耶 俱卢吠柱唎
yē bō là pó là shé yē duò tuō qié duō yē nā mó pó
耶 般啰婆啰阁耶 跢他伽多耶 南无婆
qié pó dì sān bǔ shī bì duō sà lián nà là là shé yē
伽婆帝 三补师毖多 萨怜捺啰刺阁耶
duò tuō qié duō yē ā là hē dì sān miǎo sān pú tuó yē
跢他伽多耶 阿啰诃帝 三藐三菩陀耶
nā mó pó qié pó dì shě jī yě mǔ nà yè duò tuō qié
南无婆伽婆帝 舍鸡野母那曳 跢他伽
duō yē ā là hē dì sān miǎo sān pú tuó yē nā mó
多耶 阿啰诃帝 三藐三菩陀耶 南无
pó qié pó dì là dá nà jī dū là shé yē duò tuō qié
婆伽婆帝 刺怛那鸡都啰阁耶 跢他伽
duō yē ā là hē dì sān miǎo sān pú tuó yē dì piáo
多耶 阿啰诃帝 三藐三菩陀耶 帝瓢
nā mó sà jié lǐ duō yì tán pó qié pó duō sà dá tuō
南无萨羯唎多 翳昙婆伽婆多 萨怛他
qié dū sè ní shān sà dá duō bō dá lán nā mó ā
伽都瑟尼钿 萨怛多 般怛唎 南无阿
pó là shì dān bō là dì yáng qí là sà là pó bù
婆啰视耽 般啰帝 扬歧啰 萨啰婆 部

duō jiē là hē ní jiē là hē jié jiā là hē ní bá là
 多揭啰诃 尼揭啰诃 羯迦啰诃尼 跋啰
 bì dì yē chī tuó nǐ ā jiā là mì lǐ zhù bō lǐ
 毖地耶 叱陀你 阿迦啰 密唎柱 般唎
 dá là yē níng jiē lǐ sà là pó pán tuó nà mù chā
 怛啰耶 儻揭唎 萨啰婆 盘陀那 目叉
 ní sà là pó tū sè zhà tū xī fá bō nà nǐ
 尼 萨啰婆 突瑟咤 突悉乏 般那你
 fá là ní zhě dū là shī dì nán jié là hē suō hē
 伐啰尼 赭都啰 失帝南羯啰诃 娑诃
 sà là ruò shé pí duō bēng suō nà jié lǐ ā sè zhà bīng
 萨啰若阇 毗多崩娑那羯唎 阿瑟咤冰
 shě dì nán nà chā chà dá là ruò shé bō là sà tuó nà
 舍帝南 那叉刹怛啰若阇 波啰萨陀那
 jié lǐ ā sè zhà nán mó hē jié là hē ruò shé pí duō
 羯唎 阿瑟咤喃 摩诃揭啰诃若阇 毗多
 bēng sà nà jié lǐ sà pó shě dū lú nǐ pó là ruò shé
 崩萨那羯唎 萨婆舍都嚧 你婆啰若阇
 hū lán tū xī fá nán zhē nà shě ní bì shā shě xī dá là
 呼蓝突悉乏难遮那舍尼 毖沙舍悉怛啰
 ā jí ní wū tuó jiā là ruò shé ā bō là shì duō jù
 阿吉尼 乌陀迦啰若阇 阿般啰视多具

là mó hē bō là zhàn chí mó hē dié duō mó hē dì
 啰 摩诃般啰战持 摩诃迭多 摩诃帝
 shé mó hē shuì duō shé pó là mó hē bá là pán tuó là
 阁 摩诃税多阁婆啰 摩诃跋啰盘陀啰
 pó xī nǐ ā lī yē duō là pí lī jù zhī shì pó
 婆悉你 阿唎耶多啰 毗唎俱知 誓婆
 pí shé yē bá shé là mó lǐ dǐ pí shě lú duō bó téng
 毗阁耶 跋阁啰摩礼底 毗舍嚧多勃腾
 wǎng jiā bá shé là zhì hē nuó ē zhē mó là zhì pó
 罔迦 跋阁啰 制喝那阿遮 摩啰制婆
 bō là zhì duō bá shé là chàn chí pí shě là zhē shàn duō
 般啰质多 跋阁啰擅持 毗舍啰遮扇多
 shě pí tí pó bǔ shì duō sū mó lú bō mó hē shuì duō
 舍 鞞提婆 补视多苏摩嚧波 摩诃税多
 ā lī yē duō là mó hē pó là ā bō là bá shé là
 阿唎耶多啰 摩诃婆啰阿般啰 跋阁啰
 shāng jié là zhì pó bá shé là jù mó lī jù lán tuó lī
 商揭啰制婆 跋阁啰俱摩唎 俱蓝陀唎
 bá shé là hē sà duō zhē pí dì yē qián zhē nà mó lī
 跋阁啰喝萨多遮 毗地耶乾遮那 摩唎
 jiā kǔ sū mǔ pó jié là duò nuó pí lú zhē nà jù lī
 迦咄苏母 婆羯啰多那 鞞嚧遮那俱唎

yē yè là tú sè ní shān pí zhē lán pó mó ní zhē
耶 夜 唎 菟 瑟 尼 钐 毗 折 蓝 婆 摩 尼 遮
bá shé là jiā nà jiā bō là pó lú shé nà bá shé là
跋 阇 唎 迦 那 迦 波 唎 婆 嚧 阇 那 跋 阇 唎
dùn zhì zhē shuì duō zhē jiā mó là chà shē shī bō là pó
顿 稚 遮 税 多 遮 迦 摩 唎 刹 奢 尸 波 唎 婆
yì dì yí dì mǔ tuó là jié ná suō pí là chàn jué fàn
翳 帝 夷 帝 母 陀 唎 羯 拏 娑 鞞 唎 忭 掘 梵
dū yìn tù nuó mó mó xiě
都 印 兔 那 么 么 写

第二会

wū xīn lǐ sè jiē ná bō là shě xī duō sà dá tuō qié
乌 訥 唎 瑟 揭 拏 般 刺 舍 悉 多 萨 怛 他 伽
dū sè ní shān hǔ xīn dū lú yōng zhān pó nà hǔ xīn
都 瑟 尼 钐 虎 訥 都 卢 雍 瞻 婆 那 虎 訥
dū lú yōng xī dān pó nà hǔ xīn dū lú yōng bō là
都 卢 雍 悉 耽 婆 那 虎 訥 都 卢 雍 波 唎
sè dì yē sān bō chā ná jié là hǔ xīn dū lú yōng
瑟 地 耶 三 般 叉 拏 羯 唎 虎 訥 都 卢 雍
sà pó yào chā hē là chà suō jiē là hē ruò shé pí
萨 婆 药 叉 诃 唎 刹 娑 揭 唎 诃 若 阇 毗

téng bēng sà nuó jié là hǔ xīn dū lú yōng zhě dū là shī
腾崩萨那羯啰 虎訥都卢雍 者都啰尸

dǐ nán jiē là hē suō hē sà là nán pí téng bēng sà nuó
底南揭啰诃 娑诃萨啰南 毗腾崩萨那

là hǔ xīn dū lú yōng là chā pó qié fàn sà dá tuō
啰 虎訥 都卢雍 啰叉婆伽梵 萨怛他

qié dū sè ní shān bō là diǎn shé jí lī mó hē suō hē
伽都瑟尼钿 波啰点阁吉唎 摩诃娑诃

sà là bó shù suō hē sà là shì lī shā jù zhī suō hē
萨啰 勃树娑诃萨啰 室唎沙俱知娑诃

sà ní dì lí ā bì tí shì pó lī duō zhà zhà yīng jiā
萨泥帝隸 阿弊提视婆唎多 咤咤婴迦

mó hē bá shé lú tuó là dì lī pú pó nà màn chá là
摩诃跋阁嚧陀啰 帝唎菩婆那 曼茶啰

wū xīn suō xī dì bù pó dū mó mó yìn tù nuó
乌訥 娑悉帝 薄婆都 么么 印兔那

mó mó xiě
么么写

第三会

là shé pó yè zhǔ là bá yè ā qí ní pó yè wū tuó
啰阁婆夜 主啰跋夜 阿祇尼婆夜 乌陀

jiā pó yè pí shā pó yè shě sà duō là pó yè pó là
 迦婆夜 毗沙婆夜 舍萨多啰婆夜 婆啰
 zhuó jié là pó yè tū sè chā pó yè ā shě nǐ pó yè
 斫羯啰婆夜 突瑟叉婆夜 阿舍你婆夜
 ā jiā là mì lǐ zhù pó yè tuó luó ní bù mí jiàn bō
 阿迦啰 密唎柱婆夜 陀啰尼部弥剑 波
 qié bō tuó pó yè wū là jiā pó duō pó yè là shé tán
 伽波陀婆夜 乌啰迦婆多婆夜 刺阇坛
 chá pó yè nuó qié pó yè pí tiáo dá pó yè sū bō
 茶婆夜 那伽婆夜 毗条怛婆夜 苏波
 là ná pó yè yào chā jiē là hē là chā sī jiē là hē
 啰拏婆夜 药叉揭啰诃 啰叉私揭啰诃
 bì lǐ duō jiē là hē pí shě zhē jiē là hē bù duō jiē
 毕唎多揭啰诃 毗舍遮揭啰诃 部多揭
 là hē jiū pán cha jiē là hē bǔ dān nuó jiē là hē jiā
 啰诃 鳩盘茶揭啰诃 补单那揭啰诃 迦
 zhà bǔ dān nuó jiē là hē xī qián dù jiē là hē ā bō
 咤补单那揭啰诃 悉乾度揭啰诃 阿播
 xī mó là jiē là hē wū tán mó tuó jiē là hē chē yè
 悉摩啰揭啰诃 乌檀摩陀揭啰诃 车夜
 jiē là hē xī lǐ pó dì jiē là hē shè duō hē lǐ nán
 揭啰诃 酰唎婆帝揭啰诃 社多诃唎南

jiē pó hē lī nán lú dì là hē lī nán máng suō hē lī
 揭婆诃唎南 嚧地啰诃唎南 忙娑诃唎
 nán mí tuó hē lī nán mó shé hē lī nán shé duō hē
 南 迷陀诃唎南 摩阁诃唎南 阁多诃
 lī nǚ shì bǐ duō hē lī nán pí duō hē lī nán pó duō
 唎女 视比多诃唎南 毗多诃唎南 婆多
 hē lī nán ā shū zhē hē lī nǚ zhì duō hē lī nǚ dì
 诃唎南 阿输遮诃唎女 质多诃唎女 帝
 shān sà pí shān sà pó jiē là hē nán pí tuó yè shé
 钐萨鞞钐 萨婆揭啰诃南 毗陀耶阁
 chēn tuó yè mí jī là yè mí bō lī bá là zhě jiā qì
 嗔陀夜弥 鸡啰夜弥 波唎跋啰者迦訖
 lī dān pí tuó yè shé chēn tuó yè mí jī là yè mí
 唎担 毗陀夜阁 嗔陀夜弥 鸡啰夜弥
 chá yǎn ní qì lī dān pí tuó yè shé chēn tuó yè mí jī
 茶演尼訖唎担 毗陀夜阁 嗔陀夜弥 鸡
 là yè mí mó hē bō shū bō dá yè lú tuó là qì lī
 啰夜弥 摩诃般输般怛夜 嚧陀啰訖唎
 dān pí tuó yè shé chēn tuó yè mí jī là yè mí nuó
 担 毗陀夜阁 嗔陀夜弥 鸡啰夜弥 那
 là yè ná qì lī dān pí tuó yè shé chēn tuó yè mí
 啰夜拏訖唎担 毗陀夜阁 嗔陀夜弥

jī là yè mí dá duǒ qié lú chá xī qì lǐ dān pí tuó
鸡啰夜弥 怛埵伽嚧茶西讫唎担 毗陀

yè shé chēn tuó yè mí jī là yè mí mó hē jiā là
夜闍 唵陀夜弥 鸡啰夜弥 摩诃迦啰

mó dá lǐ qié ná qì lǐ dān pí tuó yè shé chēn tuó yè mí
摩怛唎伽拏讫唎担 毗陀夜闍唵陀夜弥

jī là yè mí jiā bō lǐ jiā qì lǐ dān pí tuó yè shé
鸡啰夜弥 迦波唎迦讫唎担 毗陀夜闍

chēn tuó yè mí jī là yè mí shé yè jié là mó dù jié
唵陀夜弥 鸡啰夜弥 闍夜羯啰 摩度羯

là sà pó là tuō suō dá nuó qì lǐ dān pí tuó yè shé
啰 萨婆啰他娑达那讫唎担 毗陀夜闍

chēn tuó yè mí jī là yè mí zhě duō là pó qí nǐ qì
唵陀夜弥 鸡啰夜弥 赭咄啰婆耆你讫

lǐ dān pí tuó yè shé chēn tuó yè mí jī là yè mí
唎担 毗陀夜闍 唵陀夜弥 鸡啰夜弥

pí lǐ yáng qì lǐ zhī nán tuó jī shā là qié ná bō dì
毗唎羊讫唎知 难陀鸡沙啰 伽拏般帝

suǒ xī yè qì lǐ dān pí tuó yè shé chēn tuó yè mí jī
索酰夜讫唎担 毗陀夜闍 唵陀夜弥 鸡

là yè mí nuó jiē nuó shě là pó ná qì lǐ dān pí tuó
啰夜弥 那揭那 舍啰婆拏讫唎担 毗陀

yè shé chēn tuó yè mí jī là yè mí ā luó hàn qì
夜 闍 嗔 陀 夜 弥 鸡 啰 夜 弥 阿 罗 汉 讫
lī dān pí tuó yè shé chēn tuó yè mí jī là yè mí
唎 担 毗 陀 夜 闍 嗔 陀 夜 弥 鸡 啰 夜 弥
pí duō là qié qì lī dān pí tuó yè shé chēn tuó yè mí
毗 多 啰 伽 讫 唎 担 毗 陀 夜 闍 嗔 陀 夜 弥
jī là yè mí bá shé là bō nǐ jù xī yè jù xī yè
鸡 啰 夜 弥 跋 闍 啰 波 你 具 酰 夜 具 酰 夜
jiā dì bō dì qì lī dān pí tuó yè shé chēn tuó yè mí
迦 地 般 帝 讫 唎 担 毗 陀 夜 闍 嗔 陀 夜 弥
jī là yè mí là chā wǎng pó qié fàn yìn tù nuó
鸡 啰 夜 弥 啰 叉 罔 婆 伽 梵 印 兔 那
mó mó xiě
么 么 写

第四会

pó qié fàn sà dá duō bō dá là nā mó cuì dū dì ā
婆 伽 梵 萨 怛 多 般 怛 啰 南 无 粹 都 帝 阿
xī duō nuó là là jiā bō là pó xī pǔ zhà pí jiā sà
悉 多 那 啰 刺 迦 波 啰 婆 悉 普 咤 毗 迦 萨
dá duō bō dì lī shí fó là shí fó là tuó là tuó là
怛 多 钵 帝 唎 什 佛 啰 什 佛 啰 陀 啰 陀 啰

pín tuó là pín tuó là chēn tuó chēn tuó hǔ xīn hǔ xīn
频陀啰 频陀啰 嗔陀 嗔陀 虎訶 虎訶
pàn zhà pàn zhà pàn zhà pàn zhà pàn zhà suō hē xī xī
泮咤 泮咤 泮咤 泮咤 泮咤 娑诃酰酰
pàn ā móu jiā yē pàn ā bō là tí hē duō pàn pó
泮 阿牟迦耶泮 阿波啰提诃多泮 娑
là bō là tuó pàn ā sù là pí tuó là bō jiā pàn
啰波啰陀泮 阿素啰 毗陀啰 波迦泮
sà pó tí pí bì pàn sà pó nà qié bì pàn sà pó yào
萨婆提鞞弊泮 萨婆那伽弊泮 萨婆药
chā bì pàn sà pó qián tà pó bì pàn sà pó bǔ dān nuó
叉弊泮 萨婆乾闥婆弊泮 萨婆补丹那
bì pàn jiā zhà bǔ dān nà bì pàn sà pó tū láng zhī dì
弊泮 迦咤补丹那弊泮 萨婆突狼枳帝
bì pàn sà pó tū sè bǐ lí qì sè dì bì pàn sà pó
弊泮 萨婆突涩比唎 讷瑟帝弊泮 萨婆
shí pó lí bì pàn sà pó ā bō xī mó lí bì pàn sà pó
什婆利弊泮 萨婆阿播悉么唎弊泮 萨婆
shě là pó ná bì pàn sà pó dì dì jī bì pàn sà pó
舍啰婆拏弊泮 萨婆地帝鸡弊泮 萨婆
dá mó tuó jì bì pàn sà pó pí tuó yē là shì zhē lí
怛摩陀继弊泮 萨婆毗陀耶 啰誓遮唎

bì pàn shé yè jié là mó dù jié là sà pó là tuō
弊泮 阇夜羯啰 摩度羯啰 萨婆啰他

suō tuó jī bì pàn pí dì yè zhē lī bì pàn zhě dū là
娑陀鸡弊泮 毗地夜遮唎弊泮 者都啰

fù qí nǐ bì pàn bá shé là jù mó lī pí tuó yè là
缚耆你弊泮 跋阇啰俱摩唎 毗陀夜 啰

shì bì pàn mó hē bō là dīng yáng yì qí lī bì pàn
誓弊泮 摩诃波啰丁羊 义耆唎弊泮

bá shé là shāngjié là yè bō là zhàngqí là shé yē pàn
跋阇啰 商羯啰夜 波啰丈耆 啰阇耶泮

mó hē jiā là yè mó hē mò dá lī jiā ná nā mó suō
摩诃迦啰夜 摩诃末怛唎迦拏 南无娑

jié lī duō yè pàn bì sè ná pí yè pàn bó là hē móu
羯唎多夜泮 毖瑟拏婢曳泮 勃啰诃牟

ní yè pàn ā qí ní yè pàn mó hē jié lī yè pàn jié
尼曳泮 阿耆尼曳泮 摩诃羯唎曳泮 羯

là tán chí yè pàn miè dá lī yè pàn lào dá lī yè pàn
啰檀迟曳泮 蔑怛唎曳泮 唠怛唎曳泮

zhē wén chá yè pàn jié luó là dá lī yè pàn jiā bō lī
遮文茶曳泮 羯逻啰怛唎曳泮 迦般唎

yè pàn ā dì mù zhì duō jiā shī mó shě nuó pó sī nǐ
曳泮 阿地目质多 迦尸摩舍那 婆私你

yè pàn yǎn jí zhì sà duǒ pó xiě mó mó yìn tù nuó
曳泮 演吉质 萨埵婆写 么么 印兔那

mó mó xiě
么么写

第五会

tū sè zhà zhì duō ā mò dá lǐ zhì duō wū shé hē là
突瑟咤质多 阿末怛唎质多 乌闍诃啰

qié pó hē là lú dì là hē là pó suō hē là mó shé
伽婆诃啰 嚧地啰诃啰 娑娑诃啰 摩闍

hē là shé duō hē là shì bì duō hē là bá lüè yè
诃啰 闍多诃啰 视毖多诃啰 跋略夜

hē là qián tuó hē là bù shǐ bō hē là pō là hē
诃啰 乾陀诃啰 布史波诃啰 颇啰诃

là pó xiě hē là bō bō zhì duō tū sè zhà zhì duō
啰 娑写诃啰 般波质多 突瑟咤质多

lào tuó là zhì duō yào chā jiē là hē là chà suō jiē là
唠陀啰质多 药叉揭啰诃 啰刹娑揭啰

hē bì lí duō jiē là hē pí shě zhē jiē là hē bù duō
诃闭隳多揭啰诃 毗舍遮揭啰诃 部多

jiē là hē jiū pán cha jiē là hē xī qián tuó jiē là hē
揭啰诃 鳩盘茶揭啰诃 悉乾陀揭啰诃

wū dá mó tuó jiē là hē chē yè jiē là hē ā bō sà
乌怛摩陀揭啰诃 车夜揭啰诃 阿播萨
mó là jiē là hē zhái qū gé chá qí ní jiē là hē lī
摩啰揭啰诃 宅祛革茶耆尼揭啰诃 唎
fó dì jiē là hē shé mí jiā jiē là hē shě jù ní jiē
佛帝揭啰诃 闍弥迦揭啰诃 舍俱尼揭
là hē lǎo tuó là nán dì jiā jiē là hē ā lán pó jiē
啰诃 姥陀啰难地迦揭啰诃 阿蓝婆揭
là hē qián dù bō ní jiē là hē shí fá là yīnjiā xī
啰诃 乾度波尼揭啰诃 什伐啰 埵迦酰
jiā zhuì dì yào jiā dá lí dì yào jiā zhě tū tuō jiā
迦 坠帝药迦 怛隰帝药迦 者突托迦
ní tí shí fá là bì shān mó shí fá là bù dǐ jiā
尼提什伐啰 毖钿摩 什伐啰 薄底迦
bí dǐ jiā shì lì sè mì jiā suō nǐ bō dì jiā sà pó
鼻底迦 室隶瑟密迦 娑你般帝迦 萨婆
shí fá là shì lú jí dì mò tuó pí dá lú zhì jiàn ā
什伐啰 室嚧吉帝 末陀鞞达嚧制剑 阿
qǐ lú qián mù qié lú qián jié lī tū lú qián jiē là
绮嚧钳 目佉嚧钳 羯唎突嚧钳 揭啰
hē jiē lán jié ná shū lán dàn duō shū lán qì lī yè
诃羯蓝 羯拏输蓝 憚多输蓝 迄唎夜

shū lán mò mò shū lán bá lī shì pó shū lán bì lì sè
输蓝 末么输蓝 跋唎室婆输蓝 毖栗瑟
zhà shū lán wū tuó là shū lán jié zhī shū lán bá xī dì
咤输蓝 乌陀啰输蓝 羯知输蓝 跋悉帝
shū lán wū lú shū lán cháng qié shū lán hē xī duō shū lán
输蓝 邬嚧输蓝 常伽输蓝 喝悉多输蓝
bá tuó shū lán suō fáng yàng qié bō là zhàng qié shū lán bù
跋陀输蓝 娑房盎伽 般啰丈伽输蓝 部
duō bì duò chá chá qí ní shí pó là tuó tū lú jiā jiàn
多毖哆茶 茶耆尼什婆啰 陀突嚧迦 建
duō lú jí zhī pó lù duō pí sà bō lú hē líng qié shū
咄嚧吉知 婆路多毗 萨般嚧诃凌伽 输
shā dá là suō nuó jié là pí shā yù jiā ā qí ní wū
沙怛啰 娑那羯啰 毗沙喻迦 阿耆尼乌
tuó jiā mò là pí là jiàn duò là ā jiā là mì lī duō
陀迦 末啰鞞啰建踞啰 阿迦啰密唎咄
dá liǎn bù jiā dì lì là zhà bì lī sè zhì jiā sà
怛敛部迦 地栗刺咤 毖唎瑟质迦 萨
pó nà jù là sì yǐn qié bì jiē là lī yào chā dá
婆那俱啰 肆引伽弊 揭啰唎药叉 怛
là chú mò là shì fèi dì shān suō pí shān xī dá duō
啰刍 末啰视 吠帝衫娑鞞衫 悉怛多

bō dá là mó hē bá shé lú sè ní shān mó hē bō lài
 钵怛啰 摩诃跋闍嚧瑟尼钐 摩诃般赖

zhàng qí lán yè bō tū tuó shě yù shé nuó biàn dá lí ná
 丈耆蓝 夜波突陀 舍喻闍那 辩怛隸拏

pí tuó yē pán tán jiā lú mí dì shū pán tán jiā lú mí
 毗陀耶 盘昙迦嚧弥 帝殊盘昙迦嚧弥

bō là pí tuó pán tán jiā lú mí duò zhí tuō ǎn
 般啰毘陀 盘昙迦嚧弥 哆侄他 唵

ā nà lí pí shě tí pí là bá shé là tuó lī pán tuó
 阿那隸毗舍提 鞞啰跋闍啰陀唎 盘陀

pán tuó nǐ bá shé là bàng ní pàn hǔ xīn dū lú wēng pàn
 盘陀你 跋闍啰谤尼泮 虎𩚑 都嚧瓮泮

suō pó hē
 娑婆诃

大佛顶首楞严神咒回向法

-大兴善寺三藏沙门大广智不空奉诏译

如来顶髻无上善 回向教主释迦尊
大悲毗卢遮那佛 十方一切诸如来
金刚藏王诸大士 一字金轮八佛顶
哀愍摄受愿海中 消除业障证三昧
日日持念一七遍 极重烦恼皆消灭
金刚密迹诸眷属 每日每夜常守护
二类诸天悉欢喜 二类权实皆随喜
琰魔法王能覆护 一切冥道恒加护
一切善神常守护 一切恶神慈悲护
一切天女能护念 一切神女善护念
随顺一切鬼神众 恭敬供养佛心咒
修行佛子无障碍 菩提行愿不退转
生生值遇白伞盖 世世持诵不忘念
恒修普贤菩萨行 尽于未来心意愿
慈悲哀愍为加护 阿字法门悉皆悟
四恩法界诸众生 平等利益证妙果

回向无上大菩提

千手千眼观世音菩萨
广大圆满无碍大悲心陀罗尼

nā mó hé là dá nā duō là yē yē nā mó ā lì yē
南无喝啰怛那 哆啰夜耶 南无阿唎耶
pó lú jié dì shuò bō là yē pú tí sà duǒ pó yē
婆卢羯帝 烁钵啰耶 菩提萨埵婆耶
mó hē sà duǒ pó yē mó hē jiā lú ní jiā yē ān
摩诃萨埵婆耶 摩诃迦卢尼迦耶 唵
sà pó là fá yè shù dá nā dá xiě nā mó xī jí
萨皤啰罚曳 数怛那怛写 南无悉吉
lì duǒ yī méng ā lì yē pó lú jí dì shì fó
栗埵 伊蒙阿唎耶 婆卢吉帝 室佛
là léng tuó pó nā mó nā là jǐn chí xī lì mó hē
啰楞驮婆 南无那啰谨墀 醯利摩诃
pó duō shā mi ē sà pó ā tuō dòu shū péng ā shì yùn
皤哆沙咩 萨婆阿他 豆输朋 阿逝孕
sà pó sà duō nā mó pó sà duō nā mó pó qié mó
萨婆萨哆 那摩婆萨哆 那摩婆伽 摩
fá tè dòu dá zhí tuō ān ā pó lú xī lú jiā
罚特豆 怛侄他 唵 阿婆卢醯 卢迦
dì jiā luó dì yí xī lì mó hē pú tí sà duǒ
帝 迦罗帝 夷醯唎 摩诃菩提萨埵
sà pó sà pó mó là mó là mó xī mó xī lì tuó yùn
萨婆萨婆 摩啰摩啰 摩醯摩醯唎驮孕

jù lú jù lú jié méng dù lú dù lú fá shé yē dì
 俱卢俱卢 羯蒙 度卢度卢 罚闍耶帝
 mó hē fá shé yē dì tuó là tuó là dì lì ní shì fó
 摩诃罚闍耶帝 陀啰陀啰地唎尼 室佛
 là yē zhē là zhē là mó mó fá mó là mù dì lì
 啰耶 遮啰遮啰 么么罚摩啰 穆帝隶
 yī xī yī xī shì nā shì nā ā là shēn fó là shě lì
 伊醯伊醯 室那室那 阿啰嗾 佛啰舍利
 fá shā fá shēn fó là shě yē hū lú hū lú mó là
 罚沙罚嗾 佛啰舍耶 呼嚧呼嚧 摩啰
 hū lú hū lú xī lì suō là suō là xī lì xī lì
 呼嚧呼嚧 醯利 娑啰娑啰 悉唎悉唎
 sū lú sū lú pú tí yè pú tí yè pú tuó yè pú
 苏嚧苏嚧 菩提夜 菩提夜 菩驮夜 菩
 tuó yè mí dì lì yè nā là jǐn chí dì lì sè ní nā
 驮夜 弥帝唎夜 那啰谨墀 地利瑟尼那
 pó yè mó nā suō pó hē xī tuó yè suō pó hē mó hē
 波夜摩那娑婆诃 悉陀夜娑婆诃 摩诃
 xī tuó yè suō pó hē xī tuó yù yì shì pó là yē
 悉陀夜娑婆诃 悉陀喻艺 室幡啰耶
 suō pó hē nā là jǐn chí suō pó hē mó là nā là
 娑婆诃 那啰谨墀娑婆诃 摩罗那啰
 suō pó hē xī là sēng ā mù qié yē suō pó hē sā
 娑婆诃 悉啰僧 阿穆佉耶娑婆诃 娑

pó mó hē ā xī tuó yè suō pó hē zhě jí là ā
 娑摩诃 阿悉陀夜娑婆诃 者吉啰 阿
 xī tuó yè suō pó hē bō tuó mó jié xī tuó yè suō pó
 悉陀夜娑婆诃 波陀摩 羯悉陀夜娑婆
 hē nā là jǐn chí pó qié là yē suō pó hē mó pó
 诃 那啰谨墀 幡伽啰耶娑婆诃 摩婆
 lì shèng jié là yè suō pó hē nā mó hé là dá nā duō
 利胜羯啰夜娑婆诃 南无喝啰怛那 哆
 là yè yē nā mó ā lì yē pó lú jí dì shuò pó là
 啰夜耶 南无阿唎耶 婆嚧吉帝烁幡啰
 yè suō pó hē ān xī diàn dū màn duō là bá tuó yě
 夜娑婆诃 唵 悉殿都 漫多啰 跋陀耶
 suō pó hē
 娑婆诃

开经偈

无上甚深微妙法
 百千万劫难遭遇
 我今见闻得受持
 愿解如来真实义

般若波罗蜜多心经

—唐三藏法师 玄奘 译

观自在菩萨，行深般若波罗蜜多时，照见五蕴皆空，度一切苦厄。

舍利子，色不异空，空不异色，色即是空，空即是色，受想行识，亦复如是。

舍利子，是诸法空相，不生不灭，不垢不净，不增不减。是故空中无色，无受想行识，无眼耳鼻舌身意，无色声香味触法，无眼界，乃至无意识界。无无明，亦无无明尽，乃至无老死，亦无老死尽。无苦集灭道，无智亦无得。以无所得故，菩提萨埵，依般若波罗蜜多故，心无罣碍，无罣碍故，无有恐怖，远离颠倒梦想，究竟涅槃。三世诸佛，依般若波罗蜜多故，得阿耨多罗三藐三菩提。

故知般若波罗蜜多，是大神咒，是

大明咒，是无上咒，是无等等咒，能除一切苦，真实不虚。故说般若波罗蜜多咒，即说咒曰：

揭谛揭谛，波罗揭谛，波罗僧揭谛，菩提萨婆诃。

佛说八大人觉经

—后汉沙门 安世高 译

为佛弟子，常于昼夜，至心诵念，八大人觉：

第一觉悟：世间无常，国土危脆。四大苦空，五阴无我。生灭变异，虚伪无主。心是恶源，形为罪藪。如是观察，渐离生死。

第二觉知：多欲为苦。生死疲劳，从贪欲起。少欲无为，身心自在。

第三觉知：心无厌足，惟得多求，增长罪恶。菩萨不尔，常念知足，安贫守

道，惟慧是业。

第四觉知：懈怠坠落。常行精进，破烦恼恶，摧伏四魔，出阴界狱。

第五觉悟：愚痴生死。菩萨常念，广学多闻，增长智慧，成就辩才，教化一切，悉以大乐。

第六觉知：贫苦多怨，横结恶缘。菩萨布施，等念怨亲，不念旧恶，不憎恶人。

第七觉悟：五欲过患。虽为俗人，不染世乐。常念三衣、瓦钵法器，志愿出家，守道清白，梵行高远，慈悲一切。

第八觉知：生死炽然，苦恼无量。发大乘心，普济一切，愿代众生，受无量苦。令诸众生，毕竟大乐。

如此八事，乃是诸佛、菩萨大人，之所觉悟。精进行道，慈悲修慧，乘法身船，至涅槃岸。复还生死，度脱众生。以前八事，开导一切。令诸众生，觉生死苦，舍

离五欲，修心圣道。

若佛弟子，诵此八事，于念念中，灭无量罪。进趣菩提，速登正觉，永断生死，常住快乐。

奉请八金刚

奉请	青除灾	金刚
奉请	辟毒	金刚
奉请	黄随求	金刚
奉请	白净水	金刚
奉请	赤声火	金刚
奉请	定持灾	金刚
奉请	紫贤	金刚
奉请	大神	金刚

奉请四菩萨

奉请	金刚眷	菩萨
奉请	金刚索	菩萨
奉请	金刚爱	菩萨
奉请	金刚语	菩萨

云何梵

云何得长寿 金刚不坏身
复以何因缘 得大坚固力
云何于此经 究竟到彼岸
愿佛开微密 广为众生说

发愿文

稽首三界尊 皈依十方佛
我今发宏愿 持此金刚经
上报四重恩 下济三途苦
若有见闻者 悉发菩提心
尽此一报身 同生极乐国

南无本师释迦牟尼佛！

南无本师释迦牟尼佛！

南无本师释迦牟尼佛！

金刚般若波罗蜜经

—姚秦三藏法师 鸠摩罗什 译

法会因由分第一

如是我闻：一时，佛在舍卫国祇树给孤独园，与大比丘众，千二百五十人俱。

尔时，世尊食时，著衣持钵，入舍卫大城乞食。于其城中次第乞已，还至本处。饭食讫，收衣钵，洗足已，敷座而坐。

善现启请分第二

时长老须菩提在大众中，即从座起，偏袒右肩，右膝著地，合掌恭敬而白佛言：“希有，世尊！如来善护念诸菩萨，善付嘱诸菩萨。世尊，善男子、善女人发阿耨多罗三藐三菩提心，应云何住？云何降伏其心？”

佛言：“善哉！善哉！须菩提，如汝所说，如来善护念诸菩萨，善付嘱诸菩

萨。汝今谛听，当为汝说。善男子、善女人发阿耨多罗三藐三菩提心，应如是住，如是降伏其心。”

“唯然，世尊，愿乐欲闻！”

大乘正宗分第三

佛告须菩提：“诸菩萨摩訶萨，应如是降伏其心：‘所有一切众生之类：若卵生、若胎生、若湿生、若化生、若有色、若无色、若有想、若无想、若非有想、非无想，我皆令入无余涅槃而灭度之。如是灭度无量无数无边众生，实无众生得灭度者。’何以故？须菩提，若菩萨有我相、人相、众生相、寿者相，即非菩萨。”

妙行无住分第四

“复次，须菩提，菩萨于法，应无所住行于布施，所谓不住色布施，不住声、香、味、触、法布施。须菩提，菩萨应如是布施，不住于相。何以故？若菩萨不住

相布施，其福德不可思量。”

“须菩提，于意云何？东方虚空可思量不？”

“不也，世尊。”

“须菩提，南西北方、四维上下虚空，可思量不？”

“不也，世尊。”

“须菩提，菩萨无住相布施，福德亦复如是不可思量。须菩提，菩萨但应如所教住。”

如理实见分第五

“须菩提，于意云何？可以身相见如来不？”

“不也，世尊。不可以身相得见如来。何以故？如来所说身相，即非身相。”

佛告须菩提：“凡所有相，皆是虚妄。若见诸相非相，则见如来。”

正信希有分第六

须菩提白佛言：“世尊，颇有众生，得闻如是言说章句，生实信不？”

佛告须菩提：“莫作是说！如来灭后，后五百岁，有持戒修福者，于此章句能生信心，以此为实。当知是人，不于一佛、二佛、三四五佛而种善根，已于无量千万佛所，种诸善根。闻是章句，乃至一念生净信者，须菩提，如来悉知悉见，是诸众生得如是无量福德。”

“何以故？是诸众生，无复我相、人相、众生相、寿者相，无法相、亦无非法相。何以故？是诸众生，若心取相，则为著我、人、众生、寿者。若取法相，即著我、人、众生、寿者。何以故？若取非法相，即著我、人、众生、寿者。是故不应取法，不应取非法。以是义故，如来常说：‘汝等比丘，知我说法，如筏喻者，法尚应舍，何况非法！’”

无得无说分第七

“须菩提，于意云何？如来得阿耨多罗三藐三菩提耶？如来有所说法耶？”

须菩提言：“如我解佛所说义，无有定法名阿耨多罗三藐三菩提，亦无有定法如来可说。何以故？如来所说法，皆不可取，不可说，非法，非非法。所以者何？一切贤圣，皆以无为法而有差别。”

依法出生分第八

“须菩提，于意云何？若人满三千大千世界七宝以用布施，是人所得福德，宁为多不？”须菩提言：“甚多，世尊。何以故？是福德，即非福德性，是故如来说福德多。”

“若复有人，于此经中受持乃至四句偈等，为他人说，其福胜彼。何以故？须菩提，一切诸佛及诸佛阿耨多罗三藐三菩提法，皆从此经出。须菩提，所谓佛法者，即非佛法。”

一相无相分第九

“须菩提，于意云何？须陀洹能作是念‘我得须陀洹果’不？”

须菩提言：“不也，世尊。何以故？须陀洹名为入流，而无所入，不入色、声、香、味、触、法，是名须陀洹。”

“须菩提，于意云何？斯陀含能作是念‘我得斯陀含果’不？”

须菩提言：“不也，世尊。何以故？斯陀含名一往来，而实无往来，是名斯陀含。”

“须菩提，于意云何？阿那含能作是念‘我得阿那含果’不？”

须菩提言：“不也，世尊。何以故？阿那含名为不来，而实无不来，是故名阿那含。”

“须菩提，于意云何？阿罗汉能作是念‘我得阿罗汉道’不？”

须菩提言：“不也，世尊。何以故？

实无法名阿罗汉。世尊，若阿罗汉作是念‘我得阿罗汉道’，即为著我、人、众生、寿者。世尊，佛说我得无诤三昧，人中最为第一，是第一离欲阿罗汉。世尊，我不作是念‘我是离欲阿罗汉’。世尊，我若作是念‘我得阿罗汉道’，世尊则不说须菩提是乐阿兰那行者；以须菩提实无所行，而名须菩提是乐阿兰那行。”

庄严净土分第十

佛告须菩提：“于意云何？如来昔在燃灯佛所，于法有所得不？”

“不也，世尊，如来在燃灯佛所，于法实无所得。”

“须菩提，于意云何？菩萨庄严佛土不？”

“不也，世尊。何以故？庄严佛土者，即非庄严，是名庄严。”

“是故，须菩提，诸菩萨摩訶萨应如是

生清净心，不应住色生心，不应住声、香、味、触、法生心，应无所住而生其心。须菩提，譬如有人身如须弥山王。于意云何？是身为大不？”

须菩提言：“甚大，世尊。何以故？佛说非身，是名大身。”

无为福胜分第十一

“须菩提，如恒河中所有沙数，如是沙等恒河。于意云何？是诸恒河沙，宁为多不？”

须菩提言：“甚多，世尊。但诸恒河，尚多无数，何况其沙！”

“须菩提，我今实言告汝：若有善男子、善女人，以七宝满尔所恒河沙数三千大千世界，以用布施，得福多不？”

须菩提言：“甚多，世尊。”

佛告须菩提：“若善男子、善女人，于此经中乃至受持四句偈等，为他人说，而此福德胜前福德。”

尊重正教分第十二

复次，须菩提，随说是经乃至四句偈等，当知此处，一切世间天、人、阿修罗，皆应供养如佛塔庙，何况有人尽能受持读诵！”

“须菩提，当知是人成就最上第一希有之法！若是经典所在之处，则为有佛，若尊重弟子。”

如法受持分第十三

尔时，须菩提白佛言：“世尊，当何名此经？我等云何奉持？”

佛告须菩提：“是经名为《金刚般若波罗蜜》，以是名字，汝当奉持。所以者何？须菩提，佛说般若波罗蜜，即非般若波罗蜜，是名般若波罗蜜。须菩提，于意云何？如来有所说法不？”

须菩提白佛言：“世尊，如来无所说。”

“须菩提，于意云何？三千大千世界所

有微尘是为多不？”

须菩提言：“甚多，世尊。”

“须菩提，诸微尘，如来说非微尘，是名微尘。如来说世界，非世界，是名世界。须菩提，于意云何？可以三十二相见如来不？”

“不也，世尊。不可以三十二相得见如来。何以故？如来说三十二相，即是非相，是名三十二相。”

“须菩提，若有善男子、善女人，以恒河沙等身命布施；若复有人，于此经中乃至受持四句偈等，为他人说，其福甚多！”

离相寂灭分第十四

尔时，须菩提闻说是经，深解义趣，涕泪悲泣而白佛言：“希有，世尊！佛说如是甚深经典，我从昔来所得慧眼，未曾得闻如是之经。”

“世尊，若复有人得闻是经，信心清

净，则生实相，当知是人成就第一希有功德。”

“世尊，是实相者，即是非相，是故如来说名实相。”

“世尊，我今得闻如是经典，信解受持，不足为难；若当来世后五百岁，其有众生得闻是经，信解受持，是人则为第一希有！何以故？此人无我相、无人相、无众生相、无寿者相。所以者何？我相即是非相，人相、众生相、寿者相即是非相。何以故？离一切诸相，则名诸佛。”

佛告须菩提：“如是，如是，若复有人得闻是经，不惊、不怖、不畏，当知是人甚为希有！何以故？须菩提，如来说第一波罗蜜，即非第一波罗蜜，是名第一波罗蜜。”

“须菩提，忍辱波罗蜜，如来说非忍辱波罗蜜，是名忍辱波罗蜜。何以故？须菩提，如我昔为歌利王割截身体，我于尔时

无我相、无人相、无众生相、无寿者相。何以故？我于往昔节节支解时，若有我相、人相、众生相、寿者相，应生瞋恨。”

“须菩提，又念过去于五百世作忍辱仙人，于尔所世无我相、无人相、无众生相、无寿者相。”

“是故，须菩提，菩萨应离一切相，发阿耨多罗三藐三菩提心，不应住色生心，不应住声、香、味、触、法生心，应生无所住心。若心有住，则为非住。是故，佛说菩萨心，不应住色布施。须菩提，菩萨为利益一切众生，应如是布施。如来说一切诸相，即是非相，又说一切众生，即非众生。”

“须菩提，如来是真语者、实语者、如语者、不诳语者、不异语者。须菩提，如来所得法，此法无实无虚。”

“须菩提，若菩萨心住于法而行布施，

如人入闇，则无所见。若菩萨心不住法而行布施，如人有目，日光明照，见种种色。”

“须菩提，当来之世，若有善男子、善女人能于此经受持读诵，则为如来以佛智慧悉知是人，悉见是人，皆得成就无量无边功德。”

持经功德分第十五

“须菩提，若有善男子、善女人，初日分以恒河沙等身布施，中日分复以恒河沙等身布施，后日分亦以恒河沙等身布施，如是无量百千万亿劫以身布施；若复有人闻此经典，信心不逆，其福胜彼，何况书写、受持读诵、为人解说！”

“须菩提，以要言之，是经有不可思议、不可称量、无边功德。如来为发大乘者说，为发最上乘者说。若有人能受持读诵，广为人说，如来悉知是人，悉见是人，皆得成就不可量、不可称、无有边、

不可思议功德。若是人等，则为荷担如来阿耨多罗三藐三菩提。何以故？须菩提，若乐小法者，著我见、人见、众生见、寿者见，则于此经不能听受、读诵、为人解说。”

“须菩提，在在处处若有此经，一切世间天、人、阿修罗所应供养。当知此处则为是塔，皆应恭敬作礼围绕，以诸华香而散其处。”

能净业障分第十六

“复次，须菩提，若善男子、善女人受持读诵此经，若为人轻贱，是人先世罪业应堕恶道，以今世人轻贱故，先世罪业则为消灭，当得阿耨多罗三藐三菩提。”

“须菩提，我念过去无量阿僧祇劫，于燃灯佛前，得值八百四千万亿那由他诸佛，悉皆供养承事，无空过者。若复有人于后末世，能受持读诵此经，所得功德，

于我所供养诸佛功德，百分不及一，千万亿分乃至算数譬喻所不能及。”

“须菩提，若善男子、善女人于后末世，有受持读诵此经，所得功德，我若具说者，或有人闻，心则狂乱，狐疑不信。须菩提，当知是经义不可思议，果报亦不可思议。”

究竟无我分第十七

尔时，须菩提白佛言：“世尊，善男子、善女人发阿耨多罗三藐三菩提心，云何应住？云何降伏其心？”

佛告须菩提：“善男子、善女人发阿耨多罗三藐三菩提心者，当生如是心：

‘我应灭度一切众生，灭度一切众生已，而无有一众生实灭度者。’何以故？须菩提，若菩萨有我相、人相、众生相、寿者相，则非菩萨。所以者何？须菩提，实无法发阿耨多罗三藐三菩提心者。”

“须菩提，于意云何？如来于燃灯佛所，有法得阿耨多罗三藐三菩提不？”

“不也，世尊。如我解佛所说义，佛于燃灯佛所，无有法得阿耨多罗三藐三菩提。”

佛言：“如是，如是，须菩提，实无有法如来得阿耨多罗三藐三菩提。须菩提，若有法如来得阿耨多罗三藐三菩提者，燃灯佛则不与我授记：‘汝于来世当得作佛，号释迦牟尼。’以实无有法得阿耨多罗三藐三菩提，是故燃灯佛与我授记，作是言：‘汝于来世当得作佛，号释迦牟尼。’何以故？如来者，即诸法如义。若有人言：‘如来得阿耨多罗三藐三菩提’，须菩提，实无有法佛得阿耨多罗三藐三菩提。须菩提，如来所得阿耨多罗三藐三菩提，于是中无实无虚，是故如来说一切法皆是佛法。须菩提，所言一切法者，即非一切法，是故名一切法。”

“须菩提，譬如人身长大。”须菩提言：“世尊，如来说人身长大，则为非大身，是名大身。”

“须菩提，菩萨亦如是，若作是言：‘我当灭度无量众生’，则不名菩萨。何以故？须菩提，实无有法名为菩萨，是故佛说一切法，无我、无人、无众生、无寿者。”

“须菩提，若菩萨作是言：‘我当庄严佛土’，是不名菩萨。何以故？如来说庄严佛土者，即非庄严，是名庄严。”

“须菩提，若菩萨通达无我法者，如来说名真是菩萨。”

一体同观分第十八

“须菩提，于意云何？如来有肉眼不？”

“如是，世尊，如来有肉眼。”

“须菩提，于意云何？如来有天眼不？”

“如是，世尊，如来有天眼。”

“须菩提，于意云何？如来有慧眼不？”

“如是，世尊，如来有慧眼。”

“须菩提，于意云何？如来有法眼不？”

“如是，世尊，如来有法眼。”

“须菩提，于意云何？如来有佛眼不？”

“如是，世尊，如来有佛眼。”

“须菩提，于意云何？如恒河中所有沙，佛说是沙不？”

“如是，世尊，如来说是沙。”

“须菩提，于意云何？如一恒河中所有沙，有如是沙等恒河，是诸恒河所有沙数佛世界，如是宁为多不？”

“甚多，世尊。”

佛告须菩提：“尔所国土中所有众生若干种心，如来悉知。何以故？如来说诸心，皆为非心，是名为心。所以者何？须菩提，过去心不可得，现在心不可得，未来心不可得。”

法界通化分第十九

“须菩提，于意云何？若有人满三千大千世界七宝以用布施，是人以是因缘得福多不？”

“如是，世尊。此人以是因缘得福甚多。”

“须菩提，若福德有实，如来说得福德多；以福德无故，如来说得福德多。”

离色离相分第二十

“须菩提，于意云何？佛可以具足色身见不？”

“不也，世尊。如来不应以具足色身见。何以故？如来说具足色身，即非具足色身，是名具足色身。”

“须菩提，于意云何？如来可以具足诸相见不？”

“不也，世尊。如来不应以具足诸相见。何以故？如来说诸相具足，即非具

足，是名诸相具足。”

非说所说分第二十一

“须菩提，汝勿谓如来作是念‘我当有所说法’，莫作是念！何以故？若人言：‘如来有所说法’。即为谤佛，不能解我所说故。须菩提，说法者，无法可说，是名说法。”

尔时，慧命须菩提白佛言：“世尊，颇有众生，于未来世闻说是法，生信心不？”

佛言：“须菩提，彼非众生，非不众生。何以故？须菩提，众生、众生者，如来说非众生，是名众生。”

无法可得分第二十二

须菩提白佛言：“世尊，佛得阿耨多罗三藐三菩提，为无所得耶？”

佛言：“如是，如是，须菩提，我于

阿耨多罗三藐三菩提，乃至无有少法可得，是名阿耨多罗三藐三菩提。”

净心行善分第二十三

“复次，须菩提，是法平等，无有高下，是名阿耨多罗三藐三菩提。以无我、无人、无众生、无寿者，修一切善法，即得阿耨多罗三藐三菩提。须菩提，所言善法者，如来说即非善法，是名善法。”

福智无比分第二十四

“须菩提，若三千大千世界中，所有诸须弥山王，如是等七宝聚，有人持用布施；若人以此般若波罗蜜经乃至四句偈等，受持读诵，为他人说，于前福德百分不及一，百千万亿分乃至算数譬喻所不能及。”

化无所化分第二十五

“须菩提，于意云何？汝等勿谓如来作

是念‘我当度众生’。须菩提，莫作是念。何以故？实无有众生如来度者。若有众生如来度者，如来则有我、人、众生、寿者。”

“须菩提，如来说有我者，则非有我，而凡夫之人以为有我。须菩提，凡夫者，如来说即非凡夫，是名凡夫。”

法身非相分第二十六

“须菩提，于意云何？可以三十二相观如来不？”

须菩提言：“如是，如是，以三十二相观如来。”

佛言：“须菩提，若以三十二相观如来者，转轮圣王则是如来。”

须菩提白佛言：“世尊，如我解佛所说义，不应以三十二相观如来。”

尔时，世尊而说偈言：“若以色见我，以音声求我，是人行邪道，不能见如

来！”

无断无灭分第二十七

“须菩提，汝若作是念‘如来不以具足相故，得阿耨多罗三藐三菩提’。须菩提，莫作是念‘如来不以具足相故，得阿耨多罗三藐三菩提’。”

“须菩提，汝若作是念‘发阿耨多罗三藐三菩提心者，说诸法断灭’，莫作是念！何以故？发阿耨多罗三藐三菩提心者，于法不说断灭相。”

不受不贪分第二十八

“须菩提，若菩萨以满恒河沙等世界七宝持用布施；若复有人知一切法无我，得成于忍，此菩萨胜前菩萨所得功德。何以故？须菩提，以诸菩萨不受福德故。”

须菩提白佛言：“世尊，云何菩萨不受福德？”

“须菩提，菩萨所作福德，不应贪著，是故说不受福德。”

威仪寂净分第二十九

“须菩提，若有人言：‘如来若来、若去、若坐、若卧。’是人不解我所说义。何以故？如来者，无所从来，亦无所去，故名如来。”

一合理相分第三十

“须菩提，若善男子、善女人，以三千大千世界碎为微尘。于意云何？是微尘众，宁为多不？”

须菩提言：“甚多，世尊。何以故？若是微尘众实有者，佛则不说是微尘众。所以者何？佛说微尘众，即非微尘众，是名微尘众。世尊，如来所说三千大千世界，即非世界，是名世界。何以故？若世界实有者，则是一合相。如来说一合相，即非一合相，是名一合相。”

“须菩提，一合相者，则是不可说，但凡夫之人贪著其事。”

知见不生分第三十一

“须菩提，若人言：‘佛说我见、人见、众生见、寿者见’。须菩提，于意云何？是人解我所说义不？”

“不也，世尊，是人不解如来所说义。何以故？世尊说我见、人见、众生见、寿者见，即非我见、人见、众生见、寿者见，是名我见、人见、众生见、寿者见。”

“须菩提，发阿耨多罗三藐三菩提心者，于一切法，应如是知，如是见，如是信解，不生法相。须菩提，所言法相者，如来说即非法相，是名法相。”

应化非真分第三十二

“须菩提，若有人以满无量阿僧祇世界

七宝持用布施；若有善男子、善女人发菩提心者，持于此经乃至四句偈等，受持读诵，为人演说，其福胜彼。云何为人演说？不取于相，如如不动。何以故？一切有为法，如梦幻泡影，如露亦如电，应作如是观。”

佛说是经已，长老须菩提及诸比丘、比丘尼、优婆塞、优婆夷，一切世间天、人、阿修罗，闻佛所说，皆大欢喜，信受奉行。

般若无尽藏真言

nā mò bò qié fá dì bō lì rě bō luó mì duō yè
纳谟薄伽伐帝 钵唎若 波罗蜜多曳
dán zhī tuō ān hé lì dì lì shì lì shù lǚ zhī
怛姪他 唵 纒唎地唎室唎 戍噜知
sān mì lì zhī fò shè yè suō hē
三密栗知 佛社曳 娑诃

金刚心真言

ān wū lún ní suō pò hē
唵 乌伦尼 娑婆诃

金刚赞

断疑生信 绝相超宗
顿忘人法解真空
般若味重重 四句融通
福德叹无穷

南无祇园会上佛菩萨！
南无祇园会上佛菩萨！
南无祇园会上佛菩萨！

佛说阿弥陀经

—姚秦三藏法师 鸠摩罗什 译

如是我闻。一时佛在舍卫国，祇树给孤独园，与大比丘僧，千二百五十人俱，皆是大阿罗汉，众所知识：长老舍利弗、摩诃目犍连、摩诃迦叶、摩诃迦旃延、摩诃俱絺罗、离婆多、周利槃陀伽、难陀、阿难陀、罗睺罗、憍梵波提、宾头卢颇罗堕、迦留陀夷、摩诃劫宾那、薄拘罗、阿菟楼驮，如是等诸大弟子。并诸菩萨摩诃萨：文殊师利法王子、阿逸多菩萨、乾陀诃提菩萨、常精进菩萨，与如是等诸大菩萨，及释提桓因等，无量诸天大众俱。

尔时，佛告长老舍利弗：“从是西方过十万亿佛土，有世界名曰极乐，其土有佛，号阿弥陀，今现在说法。”

“舍利弗，彼土何故名为极乐？其国众生，无有众苦，但受诸乐，故名极乐。”

“又舍利弗。极乐国土，七重栏楯，

七重罗网，七重行树，皆是四宝，周匝围绕，是故彼国，名为极乐。”

“又舍利弗。极乐国土，有七宝池，八功德水，充满其中，池底纯以金沙布地。四边阶道，金、银、琉璃、玻璃合成。上有楼阁，亦以金、银、琉璃、玻璃、砗磲、赤珠、玛瑙而严饰之。池中莲花，大如车轮，青色青光、黄色黄光、赤色赤光、白色白光，微妙香洁。”

“舍利弗。极乐国土，成就如是功德庄严。”

“又舍利弗。彼佛国土，常作天乐。黄金为地。昼夜六时，雨天曼陀罗华。其土众生，常以清旦，各以衣祴盛众妙华，供养他方十万亿佛，即以食时，还到本国，饭食经行。”

“舍利弗。极乐国土，成就如是功德庄严。”

“复次舍利弗。彼国常有种种奇妙杂色

之鸟：白鹤、孔雀、鹦鹉、舍利、迦陵频伽共命之鸟。是诸众鸟，昼夜六时，出和雅音。其音演畅五根、五力、七菩提分、八圣道分，如是等法。其土众生，闻是音已，皆悉念佛、念法、念僧。”

“舍利弗。汝勿谓此鸟，实是罪报所生，所以者何？彼佛国土，无三恶道。”

“舍利弗。其佛国土，尚无恶道之名，何况有实。是诸众鸟，皆是阿弥陀佛，欲令法音宣流，变化所作。”

“舍利弗。彼佛国土，微风吹动诸宝行树，及宝罗网，出微妙音，譬如百千种乐，同时俱作。闻是音者，自然皆生念佛、念法、念僧之心。”

“舍利弗。其佛国土，成就如是功德庄严。”

“舍利弗。于汝意云何？彼佛何故号阿弥陀？”

“舍利弗。彼佛光明无量，照十方国，

无所障碍，是故号为阿弥陀。”

“又舍利弗。彼佛寿命，及其人民，无量无边阿僧祇劫，故名阿弥陀。”

“舍利弗。阿弥陀佛成佛已来，于今十劫。”

“又舍利弗。彼佛有无量无边声闻弟子，皆阿罗汉，非是算数之所能知。诸菩萨众，亦复如是。”

“舍利弗。彼佛国土，成就如是功德庄严。”

“又舍利弗。极乐国土，众生生者，皆是阿鞞跋致，其中多有一生补处，其数甚多，非是算数所能知之，但可以无量无边阿僧祇说。”

“舍利弗。众生闻者，应当发愿，愿生彼国，所以者何？得与如是诸上善人，俱会一处。”

“舍利弗。不可以少善根福德因缘，得生彼国。”

“舍利弗。若有善男子、善女人，闻说阿弥陀佛，执持名号，若一日、若二日、若三日、若四日、若五日、若六日、若七日，一心不乱，其人临命终时，阿弥陀佛，与诸圣众，现在其前。是人终时，心不颠倒，即得往生阿弥陀佛极乐国土。”

“舍利弗。我见是利，故说此言。若有众生，闻是说者，应当发愿，生彼国土。”

“舍利弗。如我今者，赞叹阿弥陀佛，不可思议功德之利。东方亦有阿閼鞞佛、须弥相佛、大须弥佛、须弥光佛、妙音佛，如是等恒河沙数诸佛，各于其国，出广长舌相，徧覆三千大千世界，说诚实言：‘汝等众生，当信是称赞不可思议功德，一切诸佛所护念经。’”

“舍利弗。南方世界，有日月灯佛、名闻光佛、大焰肩佛、须弥灯佛、无量精进佛，如是等恒河沙数诸佛，各于其国，出

广长舌相，徧覆三千大千世界，说诚实言：‘汝等众生，当信是称赞不可思议功德，一切诸佛所护念经。’”

“舍利弗。西方世界，有无量寿佛、无量相佛、无量幢佛、大光佛、大明佛、宝相佛、净光佛，如是等恒河沙数诸佛，各于其国，出广长舌相，徧覆三千大千世界，说诚实言：‘汝等众生，当信是称赞不可思议功德，一切诸佛所护念经。’”

“舍利弗。北方世界，有焰肩佛、最胜音佛、难沮佛、日生佛、网明佛，如是等恒河沙数诸佛，各于其国，出广长舌相，徧覆三千大千世界，说诚实言：‘汝等众生，当信是称赞不可思议功德，一切诸佛所护念经。’”

“舍利弗。下方世界，有师子佛、名闻佛、名光佛、达摩佛、法幢佛、持法佛，如是等恒河沙数诸佛，各于其国，出广长舌相，徧覆三千大千世界，说诚实言：

‘汝等众生，当信是称赞不可思议功德，一切诸佛所护念经。’”

“舍利弗。上方世界，有梵音佛、宿王佛、香上佛、香光佛、大焰肩佛、杂色宝华严身佛、娑罗树王佛、宝华德佛、见一切义佛、如须弥山佛，如是等恒河沙数诸佛，各于其国，出广长舌相，徧覆三千大千世界，说诚实言：‘汝等众生，当信是称赞不可思议功德，一切诸佛所护念经。’”

“舍利弗。于汝意云何？何故名为一切诸佛所护念经？”

“舍利弗。若有善男子、善女人，闻是经受持者，及闻诸佛名者，是诸善男子、善女人，皆为一切实诸佛之所护念，皆得不退转于阿耨多罗三藐三菩提。是故舍利弗，汝等皆当信受我语，及诸佛所说。”

“舍利弗。若有人已发愿、今发愿、当发愿，欲生阿弥陀佛国者，是诸人等，皆得不退转于阿耨多罗三藐三菩提，于彼国

土，若已生、若今生、若当生。是故舍利弗，诸善男子、善女人，若有信者，应当发愿，生彼国土。”

“舍利弗，如我今者，称赞诸佛不可思议功德，彼诸佛等，亦称赞我不可思议功德，而作是言：‘释迦牟尼佛能为甚难希有之事，能于娑婆国土，五浊恶世，劫浊、见浊、烦恼浊、众生浊、命浊中，得阿耨多罗三藐三菩提。为诸众生，说是一切世间难信之法。’”

“舍利弗。当知我于五浊恶世，行此难事，得阿耨多罗三藐三菩提，为一切世间说此难信之法，是为甚难。”

佛说此经已，舍利弗，及诸比丘，一切世间天、人、阿修罗等，闻佛所说，欢喜信受，作礼而去。

拔一切业障根本得生净土陀罗尼

ná mó ā mí duō pó yè duō tuō qié duō yè
南无阿弥多婆夜 哆他伽多夜
duō dì yè tuō ā mí lì dū pó pí
哆地夜他 阿弥利都婆毗
ā mí lì duō xī dān pó pí
阿弥利哆 悉耽婆毗
ā mí lì duō pí jiā lán dì
阿弥唎哆 毗迦兰帝
ā mí lì duō pí jiā lán duō
阿弥唎哆 毗迦兰多
qié mí ní qié qié nuó
伽弥膩 伽伽那
zhǐ duō jiā lì suō pó hē
积多迦利 娑婆诃

杨枝净水赞

杨枝净水遍洒三千

性空八德利人天 福寿广增延

灭罪消愆 火焰化红莲

南无清凉地菩萨摩诃萨（三称）

南无观世音菩萨摩诃萨（三称）

南无本师释迦牟尼佛（三称）

观世音菩萨普门品

—姚秦三藏法师 鸠摩罗什 译

尔时，无尽意菩萨，即从座起，偏袒右肩，合掌向佛，而作是言：“世尊，观世音菩萨，以何因缘，名观世音？”

佛告无尽意菩萨：“善男子，若有无量百千万亿众生，受诸苦恼，闻是观世音菩萨，一心称名，观世音菩萨即时观其音声，皆得解脱。若有持是观世音菩萨名者，设入大火，火不能烧，由是菩萨威神力故。若为大水所漂，称其名号，即得浅处。

若有百千万亿众生，为求金、银、琉璃、砗磲、玛瑙、珊瑚、琥珀、真珠等宝，入于大海。假使黑风吹其船舫，漂堕罗刹鬼国，其中若有乃至一人，称观世音菩萨名者，是诸人等，皆得解脱罗刹之难。以是因缘，名观世音。

若复有人，临当被害，称观世音菩萨名者，彼所执刀杖，寻段段坏，而得解脱。若三千大千国土，满中夜叉、罗刹，欲来恼人，闻其称观世音菩萨名者，是诸恶鬼，尚不能以恶眼视之，况复加害。设复有人，若有罪，若无罪，杻械枷锁，检系其身，称观世音菩萨名者，皆悉断坏，即得解脱。

若三千大千国土，满中怨贼。有一商主，将诸商人，赍持重宝，经过险路，其中一人，作是唱言：‘诸善男子，勿得恐怖，汝等应当一心称观世音菩萨名号，是菩萨能以无畏施于众生。汝等若称名者，于此怨贼，当得解脱。’众商人闻，俱发声言：‘南无观世音菩萨！’称其名故，即得解脱。

无尽意，观世音菩萨摩訶萨，威神之力，巍巍如是。若有众生，多于淫欲，常念恭敬观世音菩萨，便得离欲。

若多嗔恚，常念恭敬观世音菩萨，便得离嗔。若多愚痴，常念恭敬观世音菩萨，便得离痴。

无尽意，观世音菩萨，有如是等大威神力，多所饶益。是故众生，常应心念。若有女人，设欲求男，礼拜供养观世音菩萨，便生福德智慧之男；设欲求女，便生端正有相之女，宿植德本，众人爱敬。无尽意，观世音菩萨有如是力。若有众生，恭敬礼拜观世音菩萨，福不唐捐。是故众生，皆应受持观世音菩萨名号。

无尽意，若有人，受持六十二亿恒河沙菩萨名字，复尽形供养饮食、衣服、卧具、医药，于汝意云何？是善男子、善女人，功德多否？”

无尽意言：“甚多，世尊。”

佛言：“若复有人，受持观世音菩萨名号，乃至一时礼拜供养，是二人

福，正等无异，于百千万亿劫，不可穷尽。无尽意，受持观世音菩萨名号，得如是无量无边福德之利。”

无尽意菩萨白佛言：“世尊，观世音菩萨，云何游此娑婆世界？云何而为众生说法？方便之力，其事云何？”

佛告无尽意菩萨：“善男子，若有国土众生，应以佛身得度者，观世音菩萨即现佛身而为说法。应以辟支佛身得度者，即现辟支佛身而为说法。应以声闻身得度者，即现声闻身而为说法。应以梵王身得度者，即现梵王身而为说法。应以帝释身得度者，即现帝释身而为说法。应以自在天身得度者，即现自在天身而为说法。应以大自在天身得度者，即现大自在天身而为说法。应以天大将军身得度者，即现天大将军身而为说法。应以毗沙门身得度者，即现毗沙门身而为说法。应以小王身得度者，即

现小王身而为说法。应以长者身得度者，即现长者身而为说法。应以居士身得度者，即现居士身而为说法。应以宰官身得度者，即现宰官身而为说法。应以婆罗门身得度者，即现婆罗门身而为说法。应以比丘、比丘尼、优婆塞、优婆夷身得度者，即现比丘、比丘尼、优婆塞、优婆夷身而为说法。应以长者、居士、宰官、婆罗门、妇女身得度者，即现妇女身而为说法。应以童男、童女身得度者，即现童男、童女身而为说法。应以天、龙、夜叉、乾闥婆、阿修罗、迦楼罗、紧那罗、摩睺罗伽、人、非人等身得度者，即皆现之而为说法。应以执金刚神得度者，即现执金刚神而为说法。

无尽意，是观世音菩萨，成就如是功德，以种种形，游诸国土，度脱众生。是故汝等，应当一心供养观世音菩

萨。是观世音菩萨摩诃萨，于怖畏急难之中，能施无畏，是故此娑婆世界，皆号之为施无畏者。”

无尽意菩萨白佛言：“世尊，我今当供养观世音菩萨。”即解颈众宝珠璎珞，价值百千两金，而以与之。作是言：“仁者，受此法施珍宝璎珞。”

时观世音菩萨，不肯受之。

无尽意复白观世音菩萨言：“仁者，愍我等故，受此璎珞。”

尔时，佛告观世音菩萨：“当愍此无尽意菩萨，及四众、天、龙、夜叉、乾闥婆、阿修罗、迦楼罗、紧那罗、摩睺罗伽、人、非人等故，受是璎珞。”

即时观世音菩萨，愍诸四众，及于天、龙、人、非人等，受其璎珞，分作二分，一分奉释迦牟尼佛，一分奉多宝佛塔。

“无尽意，观世音菩萨，有如是自

在神力，游于娑婆世界。”

尔时，无尽意菩萨以偈问曰：

“世尊妙相具，我今重问彼：
佛子何因缘？名为观世音！
具足妙相尊，偈答无尽意：
汝听观音行，善应诸方所。
弘誓深如海，历劫不思议，
侍多千亿佛，发大清净愿！
我为汝略说：闻名及见身，
心念不空过，能灭诸有苦。
假使兴害意，推落大火坑，
念彼观音力，火坑变成池！
或漂流巨海，龙鱼诸鬼难，
念彼观音力，波浪不能没！
或在须弥峰，为人所推堕，
念彼观音力，如日虚空住！
或被恶人逐，堕落金刚山，
念彼观音力，不能损一毛！
或值怨贼绕，各执刀加害，

念彼观音力，咸即起慈心！
或遭王难苦，临刑欲寿终，
念彼观音力，刀寻段段坏！
或囚禁枷锁，手足被杻械，
念彼观音力，释然得解脱！
咒诅诸毒药，所欲害身者，
念彼观音力，还著于本人！
或遇恶罗刹，毒龙诸鬼等，
念彼观音力，时悉不敢害！
若恶兽围绕，利牙爪可怖，
念彼观音力，疾走无边方！
虺蛇及蝮蝎，气毒烟火然，
念彼观音力，寻声自回去！
云雷鼓掣电，降雹澍大雨，
念彼观音力，应时得消散！
众生被困厄，无量苦逼身，
观音妙智力，能救世间苦！
具足神通力，广修智方便，
十方诸国土，无刹不现身！

种种诸恶趣，地狱鬼畜生，
生老病死苦，以渐悉令灭！
真观清净观，广大智慧观，
悲观及慈观，常愿常瞻仰！
无垢清净光，慧日破诸暗，
能伏灾风火，普明照世间！
悲体戒雷震，慈意妙大云，
澍甘露法雨，灭除烦恼焰！
诤讼经官处，怖畏军阵中，
念彼观音力，众怨悉退散！
妙音观世音，梵音海潮音，
胜彼世间音，是故须常念！
念念勿生疑，观世音净圣，
于苦恼死厄，能为作依怙！
具一切功德，慈眼视众生，
福聚海无量，是故应顶礼！”

尔时，持地菩萨，即从座起，前白佛言：“世尊，若有众生，闻是观世音菩萨品自在之业，普门示现神通力者，

当知是人功德不少！”

佛说是普门品时，众中八万四千众生，皆发无等等阿耨多罗三藐三菩提心。

大势至菩萨念佛圆通章

—唐天竺沙门 般刺密帝 译

大势至法王子，与其同伦五十二菩萨，即从座起，顶礼佛足，而白佛言：

“我忆往昔恒河沙劫，有佛出世，名无量光，十二如来，相继一劫，其最后佛，名超日月光。彼佛教我，念佛三昧。譬如有人，一专为忆，一人专忘。如是二人，若逢不逢，或见非见。二人相忆，二忆念深。如是乃至从生至生，同于形影不相乖异。

十方如来，怜念众生，如母忆子。若子逃逝，虽忆何为？子若忆母如母忆时，母子历生不相违远。若众生心，忆佛念

佛，现前当来，必定见佛，去佛不远，不假方便，自得心开。如染香人身有香气，此则名为香光庄严。

我本因地，以念佛心入无生忍，今于此界，摄念佛人，归于净土。佛问圆通，我无选择，都摄六根，净念相继，得三摩地，斯为第一。”

四种决定清净明诲

—唐天竺沙门 般刺密帝 译

阿难整衣服，于大众中合掌顶礼，心迹圆明，悲欣交集，欲益未来诸众生故，稽首白佛：

“大悲世尊，我今已悟成佛法门，是中修行，得无疑惑。常闻如来说如是言：

‘自未得度先度人者，菩萨发心；自觉已圆能觉他者，如来应世。’我虽未度，愿度末劫一切众生。世尊，此诸众生去佛渐

远，邪师说法如恒河沙，欲摄其心入三摩地，云何令其安立道场，远诸魔事，于菩提心得无退屈？”

尔时，世尊于大众中称赞阿难：“善哉！善哉！如汝所问，安立道场，救护众生末劫沉溺。汝今谛听，当为汝说。”阿难大众唯然奉教。

佛告阿难：“汝常闻我毗奈耶中，宣说修行三决定义。所谓摄心为戒，因戒生定，因定发慧，是则名为三无漏学。

“阿难，云何摄心我名为戒？“若诸世界六道众生其心不淫，则不随其生死相续。汝修三昧，本出尘劳，淫心不除，尘不可出。纵有多智，禅定现前，如不断淫，必落魔道，上品魔王，中品魔民，下品魔女。彼等诸魔亦有徒众，各各自谓成无上道。我灭度后末法之中，多此魔民炽盛世间，广行贪淫为善知识，令诸众生落爱见坑，失菩提路。汝教世人修三摩地，先断

心淫，是名如来先佛世尊第一决定清净明诲。

是故，阿难，若不断淫修禅定者，如蒸砂石欲其成饭，经百千劫只名热砂。何以故？此非饭本，砂石成故。汝以淫身求佛妙果，纵得妙悟皆是淫根。根本成淫，轮转三涂必不能出，如来涅槃何路修证？必使淫机身心俱断，断性亦无，于佛菩提斯可希冀。如我此说，名为佛说，不如此说，即波旬说。

“阿难，又诸世界六道众生其心不杀，则不随其生死相续。汝修三昧，本出尘劳，杀心不除，尘不可出。纵有多智，禅定现前，如不断杀，必落神道，上品之人为大力鬼，中品则为飞行夜叉、诸鬼帅等，下品当为地行罗刹。彼诸鬼神亦有徒众，各各自谓成无上道。我灭度后末法之中，多此鬼神炽盛世间，自言食肉得菩提路。

阿难，我令比丘食五净肉，此肉皆我神力化生，本无命根。汝婆罗门地多蒸湿，加以砂石，草菜不生。我以大悲神力所加，因大慈悲，假名为肉，汝得其味。奈何如来灭度之后，食众生肉，名为释子？汝等当知，是食肉人纵得心开似三摩地，皆大罗刹，报终必沉生死苦海，非佛弟子。如是之人相杀、相吞、相食未已，云何是人得出三界？汝教世人修三摩地，次断杀生，是名如来先佛世尊第二决定清净明诲。

是故，阿难，若不断杀修禅定者，譬如有人自塞其耳，高声大叫，求人不闻，此等名为欲隐弥露。清净比丘及诸菩萨于岐路行，不踏生草，况以手拔！云何大悲取诸众生血肉充食？若诸比丘不服东方丝绵绢帛，及是此土靴履裘毳、乳酪醍醐，如是比丘于世真脱，酬还宿债，不游三界。何以故？服其身分，皆为彼缘。如人

食其地中百谷，足不离地，必使身心于诸众生。若身身分，身心二塗不服不食，我说是人真解脱者。如我此说，名为佛说，不如此说，即波旬说。

“阿难，又复世界六道众生其心不偷，则不随其生死相续。汝修三昧，本出尘劳，偷心不除，尘不可出。纵有多智，禅定现前，如不断偷，必落邪道，上品精灵，中品妖魅，下品邪人，诸魅所著。彼等群邪亦有徒众，各各自谓成无上道。我灭度后末法之中，多此妖邪炽盛世间，潜匿奸欺称善知识，各自谓已得上人法，詎惑无识，恐令失心，所过之处，其家耗散。我教比丘循方乞食，令其舍贪，成菩提道。诸比丘等不自熟食，寄于残生，旅泊三界，示一往还，去已无返。云何贼人假我衣服，裨贩如来，造种种业，皆言佛法？却非出家具戒比丘，为小乘道？由是疑误无量众生堕无间狱。

若我灭后，其有比丘发心决定修三摩地，能于如来形像之前，身燃一灯，烧一指节及于身上爇一香炷，我说是人，无始宿债一时酬毕，长揖世间，永脱诸漏。虽未即明无上觉路，是人于法已决定心。若不为此舍身微因，纵成无为，必还生人，酬其宿债，如我马麦正等无异。汝教世人修三摩地，后断偷盗，是名如来先佛世尊第三决定清净明诲。

是故，阿难，若不断偷修禅定者，譬如有人水灌漏卮欲求其满，纵经尘劫终无平复。若诸比丘衣钵之余分寸不畜，乞食余分施饿众生；于大集会合掌礼众；有人捶詈，同于称赞；必使身心二俱捐舍，身肉骨血与众生共。不将如来不了义说，回为已解，以误初学。佛印是人，得真三昧。如我所说，名为佛说，不如此说，即波旬说。

“阿难，如是世界六道众生，虽则身心

无杀、盗、淫，三行已圆，若大妄语，即三摩地不得清净，成爱见魔，失如来种。所谓未得谓得；未证言证；或求世间尊胜第一，谓前人言‘我今已得须陀洹果、斯陀含果、阿那含果、阿罗汉道、辟支佛乘、十地地前诸位菩萨’，求彼礼忏，贪其供养，是一颠迦，销灭佛种。如人以刀断多罗木，佛记是人，永殒善根，无复知见，沉三苦海，不成三昧。我灭度后，敕诸菩萨及阿罗汉应身生彼末法之中，作种种形度诸轮转。或作沙门、白衣、居士、人王、宰官、童男、童女，如是乃至淫女、寡妇、奸偷、屠贩，与其同事，称赞佛乘，令其身心入三摩地，终不自言‘我真菩萨’‘真阿罗汉’，泄佛密因，轻言未学，唯除命终，阴有遗付。云何是人惑乱众生成大妄语？汝教世人修三摩地，后复断除诸大妄语，是名如来先佛世尊第四决定清净明诲。

是故，阿难，若不断其大妄语者，如刻人粪为栴檀形，欲求香气无有是处。我教比丘直心道场，于四威仪一切行中，尚无虚假，云何自称得上人法？譬如穷人妄号帝王，自取诛灭，况复法王如何妄窃！因地不真，果招纡曲，求佛菩提，如噬脐人，欲谁成就？若诸比丘心如直弦，一切真实入三摩地，永无魔事，我印是人成就菩萨无上知觉。如我所说，名为佛说，不如此说，即波旬说。

四十二章经

—后汉迦叶摩腾、竺法兰共译

世尊成道已，作是思惟：离欲寂静，是最为胜。住大禅定，降诸魔道。于鹿野苑中，转四谛法轮，度憍陈如等五人而证道果。复有比丘所说诸疑，求佛进止。世尊教敕，一一开悟。合掌敬诺，而顺尊敕。

佛言：“辞亲出家，识心达本，解无为法，名曰沙门。常行二百五十戒，进止清净，为四真道行，成阿罗汉。阿罗汉者，能飞行变化，旷劫寿命，住动天地。次为阿那含。阿那含者，寿终灵神上十九天，证阿罗汉。次为斯陀含，斯陀含者，一上一还，即得阿罗汉。次为须陀洹，须陀洹者，七死七生，便证阿罗汉。爱欲断者，如四肢断，不复用之。”

佛言：“出家沙门者，断欲去爱，识自心源，达佛深理，悟无为法。内无所

得，外无所求。心不系道，亦不结业。无念无作，非修非证。不历诸位，而自崇最。名之为道。”

佛言：“剃除须发而为沙门，受道法者，去世资财，乞求取足。日中一食，树下一宿，慎勿再矣！使人愚蔽者，爱与欲也。”

佛言：“众生以十事为善，亦以十事为恶。何等为十？身三、口四、意三。身三者，杀盗淫。口四者，两舌、恶口、妄言、绮语。意三者，嫉恚痴。如是十事，不顺圣道，名十恶行。是恶若止，名十善行耳。”

佛言：“人有众过，而不自悔、顿息其心，罪来赴身；如水归海，渐成深广。若人有过，自解知非，改恶行善，罪自消灭；如病得汗，渐有痊损耳。”

佛言：“恶人闻善，故来扰乱者，汝自禁息，当无嗔责，彼来恶者而自恶之。”

佛言：“有人闻吾守道，行大仁慈，故致骂佛。佛默不对。骂止，问曰：‘子以礼从人，其人不纳，礼归子乎？’对曰：‘归矣！’”

佛言：‘今子骂我，我今不纳，子自持祸归子身矣！犹响应声，影之随形，终无免离，慎勿为恶。’”

佛言：“恶人害贤者，犹仰天而唾，唾不至天，还从已堕；逆风扬尘，尘不至彼，还坌己身。贤不可毁，祸必灭己。”

佛言：“博闻爱道，道必难会；守志奉道，其道甚大。”

佛言：“睹人施道，助之欢喜，得福甚大。”

沙门问曰：“此福尽乎？”

佛言：“譬如一炬之火，数千百人各以炬来分取，熟食除冥，此炬如故；福亦如之。”

佛言：“饭恶人百，不如饭一善人；

饭善人千，不如饭一持五戒者；饭五戒者万，不如饭一须陀洹；饭百万须陀洹，不如饭一斯陀含；饭千万斯陀含，不如饭一阿那含；饭一亿阿那含，不如饭一阿罗汉；饭十亿阿罗汉，不如饭一辟支佛；饭百亿辟支佛，不如饭一三世诸佛；饭千亿三世诸佛，不如饭一无念无住无修无证之者。”

佛言：“人有二十难：贫穷布施难，豪贵学道难，弃命必死难，得睹佛经难，生值佛世难，忍色忍欲难，见好不求难，被辱不嗔难，有势不临难，触事无心难，广学博究难，除灭我慢难，不轻未学难，心行平等难，不说是非难，会善知识难，见性学道难，随化度人难，睹境不动难，善解方便难。”

沙门问佛：“以何因缘，得知宿命，会其至道？”

佛言：“净心守志，可会至道。譬如

磨镜，垢去明存；断欲无求，当得宿命。”

沙门问佛：“何者为善？何者最大？”

佛言：“行道守真者善，志与道合者大。”

沙门问佛：“何者多力？何者最明？”

佛言：“忍辱多力，不怀恶故，兼加安健。忍者无恶，必为人尊。心垢灭尽，净无瑕秽，是为最明。未有天地，逮于今日；十方所有，无有不见，无有不知，无有不闻，得一切智，可谓明矣！”

佛言：“人怀爱欲，不见道者，譬如澄水，致手搅之，众人共临，无有睹其影者。人以爱欲交错，心中浊兴，故不见道。汝等沙门，当舍爱欲。爱欲垢尽，道可见矣！”

佛言：“夫见道者，譬如持炬，入冥室中，其冥即灭，而明独存；学道见谛，无明即灭，而明常存矣！”

佛言：“吾法念无念念、行无行行、言无言言、修无修修，会者近尔，迷者远乎！言语道断，非物所拘，差之毫厘，失之须臾。”

佛言：“观天地，念非常。观世界，念非常。观灵觉，即菩提。如是知识，得道疾矣！”

佛言：“当念身中四大，各自有名，都无我者。我既都无，其如幻耳！”

佛言：“人随情欲，求于声名；声名显著，身已故矣！贪世常名而不学道，枉功劳形。譬如烧香，虽人闻香，香之烬矣！危身之火，而在其后。”

佛言：“财色于人，人之不舍。譬如刀刃有蜜，不足一餐之美；小儿舐之，则有割舌之患。”

佛言：“人系于妻子舍宅，甚于牢狱。牢狱有散释之期，妻子无远离之念。情爱于色，岂惮驱驰！虽有虎口之患，心

存甘伏，投泥自溺，故曰凡夫。透得此门，出尘罗汉。”

佛言：“爱欲莫甚于色。色之为欲，其大无外，赖有一矣。若使二同，普天之人，无能为道者矣。”

佛言：“爱欲于人，犹如执炬逆风而行，必有烧手之患。”

天神献玉女于佛，欲坏佛意。

佛言：“革囊众秽，尔来何为？去！吾不用。”天神愈敬，因问道意。佛为解说，即得须陀洹果。

佛言：“夫为道者，犹木在水，寻流而行。不触两岸，不为人取，不为鬼神所遮，不为洄流所住，亦不腐败，吾保此木决定入海。学道之人，不为情欲所惑，不为众邪所烧，精进无为，吾保此人必得道矣。”

佛言：“甚勿信汝意，汝意不可信。慎勿与色会，色会即祸生。得阿罗汉已，

乃可信汝意。”

佛言：“慎勿视女色，亦莫共言语。若与语者，正心思念：我为沙门，处于浊世，当如莲华，不为泥污。想其老者如母，长者如姊，少者如妹，稚者如子。生度脱心，息灭恶念。”

佛言：“夫为道者，如被干草，火来须避。道人见欲，必当远之。”

佛言：“有人患淫不止，欲自断阴。佛谓之曰：‘若断其阴，不如断心。心如功曹，功曹若止，从者都息。邪心不止，断阴何益？’佛为说偈：‘欲生于汝意，意以思想生，二心各寂静，非色亦非行。’”

佛言：“此偈是迦叶佛说。”

佛言：“人从爱欲生忧，从忧生怖。若离于爱，何忧何怖？”

佛言：“夫为道者，譬如一人与万人战。挂铠出门，意或怯弱，或半路而退，或格斗而死，或得胜而还。沙门学道，应

当坚持其心，精进勇锐，不畏前境，破灭众魔，而得道果。”

沙门夜诵《迦叶佛遗教经》，其声悲紧，思悔欲退。

佛问之曰：“汝昔在家，曾为何业？”对曰：“爱弹琴。”

佛言：“弦缓如何？”

对曰：“不鸣矣！”

“弦急如何？”

对曰：“声绝矣！”

“急缓得中如何？”

对曰：“诸音普矣！”

佛言：“沙门学道亦然，心若调适，道可得矣。于道若暴，暴即身疲。其身若疲，意即生恼。意若生恼，行即退矣。其行既退，罪必加矣。但清净安乐，道不失矣。”

佛言：“如人锻铁，去滓成器，器即精好。学道之人，去心垢染，行即清净

矣。”

佛言：“人离恶道，得为人难。既得为人，去女即男难。既得为男，六根完具难。六根既具，生中国难。既生中国，值佛世难。既值佛世，遇道者难。既得遇道，兴信心难。既兴信心，发菩提心难。既发菩提心，无修无证难。”

佛言：“佛子离吾数千里，忆念吾戒，必得道果。在吾左右，虽常见吾，不顺吾戒，终不得道。”

佛问沙门：“人命在几间？”

对曰：“数日间。”

佛言：“子未知道。”

复问一沙门：“人命在几间？”

对曰：“饭食间。”

佛言：“子未知道。”

复问一沙门：“人命在几间？”

对曰：“呼吸间。”

佛言：“善哉，子知道矣！”

佛言：“学佛道者，佛所言说，皆应信顺。譬如食蜜，中、边皆甜。吾经亦尔。”

佛言：“沙门行道，无如磨牛；身虽行道，心道不行。心道若行，何用行道。”

佛言：“夫为道者，如牛负重。行深泥中，疲极不敢左右顾视；出离淤泥，乃可苏息。沙门当观情欲，甚于淤泥。直心念道，可免苦矣。”

佛言：“吾视王侯之位，如过隙尘。视金玉之宝，如瓦砾。视纨素之服，如敝帛。视大千界，如一诃子。视阿耨池水，如涂足油。视方便门，如化宝聚。视无上乘，如梦金帛。视佛道，如眼前华。视禅定，如须弥柱。视涅槃，如昼夕寤。视倒正，如六龙舞。视平等，如一真地。视兴化，如四时木。”

诸大比丘，闻佛所说，欢喜奉行。

佛说法灭尽经

—僧佑录中失译经人名今附宋录

闻如是：一时，佛在拘夷那竭国。如来三月当般涅槃，与诸比丘及诸菩萨，无央数众，来诣佛所，稽首于地。世尊寂静，默无所说，光明不现。

贤者阿难作礼白佛言：“世尊前后说法，威光独显，今大众会，光更不现，何故如此？其必有故，愿闻其意。”

佛默不应，如是至三。佛告阿难：“吾涅槃后，法欲灭时，五逆浊世，魔道兴盛。魔作沙门，坏乱吾道。著俗衣裳，乐好袈裟，五色之服。饮酒啖肉，杀生贪味，无有慈心，更相憎嫉。

时有菩萨、辟支、罗汉，精进修德一切敬待，人所宗向，教化平等。怜贫念老，鞠育穷厄。恒以经像，令人奉事。作诸功德，志性恩善。不侵害人，捐身济物。不自惜己，忍辱仁和。

设有是人，众魔比丘咸共嫉之，诽谤扬恶，摈黜驱遣不令得住。自共于后，不修道德。寺庙空荒，无复修理，转就毁坏。但贪财物，积聚不散，不作福德。贩卖奴婢，耕田种植。焚烧山林，伤害众生，无有慈心。奴为比丘，婢为比丘尼。无有道德，淫泆浊乱。男女不别，令道薄淡，皆由斯辈。

或避县官，依倚吾道。求作沙门，不修戒律。月半月尽，虽名诵戒。厌倦懈怠，不欲听闻。抄略前后，不肯尽说，经不诵习。设有读者，不识字句。为强言是，不咨明者。贡高求名，虚显雅步，以为荣冀，望人供养。

众魔比丘，命终之后。精神当堕，无择地狱。五逆罪中，饿鬼、畜生靡不经历恒河沙劫，罪竟乃出，生在边国无三宝处。

“法欲灭时，女人精进恒作功德；男子懈怠不用法语，眼见沙门如视粪土无有信

心。”

“法将殄没，登尔之时，诸天泣泪，水旱不调，五谷不熟，疫气流行，死亡者众。人民勤苦，县官计剋，不顺道理皆思乐乱。恶人转多，如海中沙。善者甚少，若一若二。

劫欲尽故，日月转短，人命转促，四十头白。男子淫泆，精尽夭命，或寿六十。男子寿短，女人寿长。七八九十，或至百岁。大水忽起，卒至无期。世人不信，故为有常。众生杂类，不问豪贱。没溺浮漂，鱼鳖食啖。

“时有菩萨、辟支、罗汉，众魔驱逐，不预众会。三乘入山，福德之地。恬泊自守，以为欣快。寿命延长，诸天卫护。月光出世，得相遭值。共兴吾道，五十二岁。《首楞严经》、《般舟三昧》先化灭去。十二部经寻后复灭，尽不复现，不见文字。沙门袈裟自然变白。吾法灭时，譬

如油灯临欲灭时，光明更盛，于是便灭，吾法灭时亦如灯灭。自此之后，难可数说。

“如是之后数千万岁，弥勒当下世间作佛，天下泰平毒气消除。雨润和适，五谷滋茂。树木长大，人长八丈，皆寿八万四千万岁，众生得度不可称计。”

贤者阿难作礼白佛：“当何名斯经？云何奉持？”

佛言：“阿难，此经名为《法灭尽》，宣告一切宜令分别，功德无量不可称计。”

四部弟子闻经，悲惨惆怅，皆发无上圣真道意，悉为佛作礼而去。

佛遗教经

—姚秦 三藏法师鸠摩罗什 译

释迦牟尼佛，初转法轮，度阿若憍陈如，最后说法，度须跋陀罗。所应度者，皆已度讫。於娑罗双树间，将入涅槃。是时中夜，寂然无声，为诸弟子略说法要：

“汝等比丘！於我灭后，当尊重珍敬波罗提木叉，如闇遇明，贫人得宝，当知此则是汝等大师，若我住世无异此也。持净戒者，不得贩卖贸易，安置田宅，畜养人民奴婢畜生，一切种植及诸财宝，皆当远离，如避火坑。不得斩伐草木，垦土掘地。合和汤药，占相吉凶，仰观星宿，推步盈虚，历数算计，皆所不应。节身时食，清净自活。不得参预世事，通致使命，咒术仙药，结好贵人，亲厚媿慢，皆不应作。当自端心，正念求度，不得包藏瑕疵，显异惑众，於四供养，知量知足，趣得供事，不应蓄积。此则略说持戒之

相，戒是正顺解脱之本，故名波罗提木叉。因依此戒，得生诸禅定，及灭苦智慧。是故比丘，当持净戒，勿令毁缺。若人能持净戒，是则能有善法。若无净戒，诸善功德皆不得生。是以当知，戒为第一安隐功德住处。

汝等比丘！已能住戒，当制五根，勿令放逸，入於五欲。譬如牧牛之人，执杖视之，不令纵逸，犯人苗稼。若纵五根，非唯五欲，将无涯畔，不可制也。亦如恶马，不以辔制，将当牵人坠於坑塹。如被劫贼，苦止一世，五根贼祸，殃及累世，为害甚重，不可不慎。是故智者制而不随，持之如贼，不令纵逸，假令纵之，皆亦不久见其磨灭。

此五根者，心为其主，是故汝等，当好制心。心之可畏，甚於毒蛇、恶兽、怨贼、大火越逸，未足喻也。譬如有人，手执蜜器，动转轻躁，但观其蜜，不见深

坑。譬如狂象无钩，猿猴得树，腾跃踔躑，难可禁制，当急挫之，无令放逸。纵此心者，丧人善事，制之一处，无事不办。是故比丘，当勤精进，折伏汝心。

汝等比丘！受诸饮食，当如服药，於好於恶，勿生增减。趣得支身，以除饥渴。如蜂采华，但取其味，不损色香。比丘亦尔，受人供养，趣自除恼，无得多求，坏其善心。譬如智者，筹量牛力，所堪多少，不令过分，以竭其力。

汝等比丘！昼则勤心修习善法，无令失时，初夜后夜，亦勿有废。中夜诵经，以自消息，无以睡眠因缘，令一生空过，无所得也。当念无常之火，烧诸世间，早求自度，勿睡眠也。诸烦恼贼，常伺杀人，甚於怨家，安可睡眠，不自警寤。烦恼毒蛇，睡在汝心，譬如黑虺，在汝室睡，当以持戒之钩，早摒除之。睡蛇既出，乃可安眠。不出而眠，是无惭人也。

惭耻之服，於诸庄严，最为第一。惭如铁钩，能制人非法。是故常当惭耻，无得暂替。若离惭耻，则失诸功德。有愧之人，则有善法；若无愧者，与诸禽兽无相异也。

汝等比丘！若有人来，节节支解，当自摄心，无令瞋恨，亦当护口，勿出恶言。若纵恚心，即自妨道，失功德利。忍之为德，持戒苦行，所不能及，能行忍者，乃可名为有力大人。若其不能欢喜忍受恶骂之毒，如饮甘露者，不名入道智慧人也。所以者何，瞋恚之害，则破诸善法，坏好名闻。今世后世，人不喜见。当知瞋心，甚於猛火，常当防护，无令得入。劫功德贼，无过瞋恚，白衣受欲，非行道者，无法自制，瞋犹可恕。出家行道，无欲之人，而怀瞋恚，甚不可也。譬如清冷云中，霹雳起火，非所应也。

汝等比丘！当自摩头，已舍饰好，著

坏色衣，执持应器，以乞自活，自见如是。若起憍慢，当疾灭之。增长憍慢，尚非世俗白衣所宜，何况出家入道之人，为解脱故，自降其身，而行乞耶。

汝等比丘！谄曲之心，与道相违，是故宜应质直其心。当知谄曲，但为欺诳，入道之人，则无是处。是故汝等，宜当端心，以质直心为本。

汝等比丘！当知多欲之人，多求利故，苦恼亦多。少欲之人，无求无欲，则无此患。直尔少欲，尚宜修习，何况少欲能生诸功德。少欲之人，则无谄曲以求人意，亦复不为诸根所牵。行少欲者，心则坦然，无所忧畏，触事有余，常无不足。有少欲者，则有涅槃，是名少欲。

汝等比丘！若欲脱诸苦恼，当观知足。知足之法，即是富乐安隐之处。知足之人，虽卧地上，犹为安乐；不知足者，虽处天堂，亦不称意。不知足者，虽富而

贫；知足之人，虽贫而富。不知足者，常为五欲所牵，为知足者之所怜愍，是名知足。

汝等比丘！欲求寂静无为安乐，当离愤闹，独处闲居，静处之人，帝释诸天，所共敬重，是故当舍己众他众，空闲独处，思灭苦本。若乐众者，则受众恼，譬如大树众鸟集之，则有枯折之患。世间缚着，没於众苦，譬如老象溺泥，不能自出，是名远离。

汝等比丘！若勤精进，则事无难者，是故汝等当勤精进。譬如小水长流，则能穿石。若行者之心，数数懈怠，譬如钻火，未热而息，虽欲得火，火难可得，是名精进。

汝等比丘！求善知识，求善护助，无如不忘念。若有不忘念者，诸烦恼贼则不能入。是故汝等，常当摄念在心，若失念者，则失诸功德。若念力坚强，虽入五欲

贼中，不为所害。譬如着铠入阵，则无所畏，是名不忘念。

汝等比丘！若摄心者，心则在定。心在定故，能知世间生灭法相，是故汝等，常当精勤修习诸定。若得定者，心则不散，譬如惜水之家，善治堤塘。行者亦尔，为智慧水故，善修禅定，令不漏失，是名为定。

汝等比丘！若有智慧，则无贪著。常自省察，不令有失，是则於我法中，能得解脱。若不尔者，既非道人，又非白衣，无所名也。实智慧者，则是度老病死海坚牢船也，亦是无明黑暗大明灯也，一切病者之良药也，伐烦恼树之利斧也。是故汝等，当以闻思修慧而自增益。若人有智慧之照，虽是肉眼，而是明见人也，是名智慧。

汝等比丘！若种种戏论，其心则乱，虽复出家，犹未得脱。是故比丘，当急舍

离乱心戏论。若汝欲得寂灭乐者，唯当善灭戏论之患，是名不戏论。

汝等比丘！於诸功德，常当一心，舍诸放逸，如离怨贼。大悲世尊所说利益，皆已究竟。汝等但当勤而行之。若於山间，若空泽中，若在树下，闲处静室，念所受法，勿令忘失，常当自勉，精进修之，无为空死，后致有悔。我如良医！知病说药，服与不服，非医咎也。又如善导，导人善道，闻之不行，非导过也。

汝等若於苦等四谛有所疑者，可疾问之，毋得怀疑，不求决也。”

尔时世尊，如是三唱，人无问者，所以者何？众无疑故。

时阿菟楼驮，观察众心，而白佛言：“世尊！月可令热，日可令冷，佛说四谛，不可令异。佛说苦谛实苦，不可令乐。集真是因，更无异因，苦若灭者，即是因灭。因灭故果灭，灭苦之道，实是真

道。更无余道。世尊！是诸比丘，於四谛中，决定无疑。”

於此众中，所作未办者，见佛灭度，当有悲感。若有初入法者，闻佛所说，即皆得度。譬如夜见电光，即得见道。若所作已办，已度苦海者，但作是念：“世尊灭度，一何疾哉！”

阿菟楼驮虽说此语，众中皆悉了达四圣谛义。

世尊欲令此诸大众皆得坚固，以大悲心，复为众说：“汝等比丘！勿怀悲恼，若我住世一劫，会亦当灭。会而不离，终不可得。自利利他，法皆具足，若我久住，更无所益。应可度者，若天上人间，皆悉已度。其未度者，皆亦已作得度因缘。自今以后，我诸弟子，展转行之，则是如来法身，常在而不灭也。

是故当知，世皆无常，会必有离，勿怀忧恼，世相如是。当勤精进，早求解

脱，以智慧明，灭诸痴暗。世实危脆，无坚牢者，我今得灭，如除恶病。此是应舍之身，罪恶之物，假名为身，没在老病生死大海，何有智者，得除灭之，如杀怨贼，而不欢喜。

汝等比丘！常当一心，勤求出道。一切世间动不动法，皆是败坏不安之相。汝等且止，勿得复语，时将欲过，我欲灭度，是我最后之所教诲。”

补阙真言

nā mò hē lā dá nuò duō lā yè yē
南无喝啰怛那 哆啰夜耶
qié lā qié lā jù zhù jù zhù
佉啰 佉啰 俱住 俱住
mó lā mó lā hǔ lā hōng hè hè sū dá nuò
摩啰摩啰 虎啰吽 贺贺苏怛拏
hōng pō mò nuò suō pò hē
吽 泼抹拏 娑婆诃

补阙圆满真言

ān hū lú hū lú shè yè mù qì suō hē
唵 呼嚧 呼嚧 社曳穆契 娑诃

普回向真言

ān suō mó lā suō mó lā mǐ mó nǎng
唵 娑摩啰 娑摩啰 弭摩曩
sà wǎ hē mó hē zhuó jiā lā wǎ hōng
萨缚诃 摩诃斫迦 啰嚩吽

忏悔文

弟子_____真心在佛菩萨面前求忏悔：

往昔所造诸恶业，
皆由无始贪瞋痴。
从身语意之所生，
一切我今皆忏悔。
罪从心起将心忏，
心若灭时罪亦亡。
心灭罪亡两俱空，
是则名为真忏悔。

从前念、今念及后念，念念不被愚迷染，从前所有恶业愚迷等罪，悉皆忏悔，愿一时消灭，永不复起！

从前念、今念及后念，念念不被骄诤染，从前所有恶业骄诤等罪，悉皆忏悔，愿一时消灭，永不复起！

从前念、今念及后念，念念不被嫉妒染，从前所有恶业嫉妒等罪，悉皆忏悔，愿一时消灭，永不复起！

功德回向文

愿以此功德 庄严佛净土
上报四重恩 下济三途苦
若有见闻者 悉发菩提心
尽此一报身 同生极乐国

南无阿弥陀佛！

南无阿弥陀佛！

南无阿弥陀佛！

祈 愿

宇宙祥和 天下太平
国泰民安 风调雨顺

持诵楞严咒之功德利益

阿难。是佛顶光聚悉怛多般怛罗秘密伽陀微妙章句。出生十方一切诸佛。十方如来。因此咒心。得成无上正遍知觉。

十方如来。执此咒心。降伏诸魔。制诸外道。

十方如来。乘此咒心。坐宝莲花。应微尘国。

十方如来。含此咒心。于微尘国转大法轮。

十方如来。持此咒心。能于十方摩顶授记。自果未成。亦于十方蒙佛授记。

十方如来。依此咒心。能于十方拔济群苦。所谓地狱饿鬼畜生。盲聋喑哑。怨憎会苦、爱别离苦、求不得苦、五阴炽盛。大小诸横同时解脱。贼难兵难、王难狱难、风火水难、饥渴贫穷。应念消散。

十方如来。随此咒心。能于十方事善知识。四威仪中供养如意。恒沙如来会

中。推为大法王子。

十方如来。行此咒心。能于十方摄受亲因。令诸小乘闻秘密藏。不生惊怖。

十方如来。诵此咒心。成无上觉。坐菩提树。入大涅槃。

十方如来。传此咒心。于灭度后付佛法事。究竟住持。严净戒律。悉得清净。

若我说是佛顶光聚般怛罗咒。从旦至暮。音声相联。字句中间。亦不重叠。经恒沙劫终不能尽。亦说此咒名如来顶。

汝等有学。未尽轮回。发心至诚取阿罗汉。不持此咒而坐道场。令其身心远诸魔事。无有是处。

阿难。若诸世界。随所国土所有众生。随国所生桦皮贝叶纸素白毡书写此咒。贮于香囊。是人心昏。未能诵忆。或带身上。

阿难。我今为汝更说此咒。救护世间得大无畏。成就众生出世间智。

若我灭后。末世众生。有能自诵。若教他诵。当知如是诵持众生。火不能烧。水不能溺。大毒小毒所不能害。

如是乃至天龙鬼神。精祇魔魅。所有恶咒。皆不能着。心得正受。一切咒诅厌蛊毒药、金毒银毒、草木虫蛇万物毒气。入此人口。成甘露味。

一切恶星并诸鬼神。殄心毒人。于如是人不能起恶。频那夜迦诸恶鬼王。并其眷属。皆领深恩。常加守护。

阿难当知。是咒常有八万四千那由他恒河沙俱胝金刚藏王菩萨种族。一一皆有诸金刚众而为眷属。昼夜随侍。

设有众生。于散乱心。非三摩地。心忆口持。是金刚王。常随从彼诸善男子。何况决定菩提心者。此诸金刚菩萨藏王。精心阴速。发彼神识。

是人应时心能记忆八万四千恒河沙劫。周遍了知。得无疑惑。

从第一劫乃至后身。生生不生药叉罗刹。及富单那。迦吒富单那。鸠槃荼。毗舍遮等。并诸饿鬼。有形无形、有想无想、如是恶处。

是善男子。若读若诵、若书若写、若带若藏。诸色供养。劫劫不生贫穷下贱不可乐处。

此诸众生。纵其自身不作福业。十方如来所有功德。悉与此人。

由是得于恒河沙阿僧祇不可说不可说劫。常与诸佛同生一处。无量功德。如恶叉聚。同处熏修。永无分散。

是故能令破戒之人。戒根清净。未得戒者。令其得戒。未精进者。令得精进。无智慧者。令得智慧。不清净者。速得清净。不持斋戒。自成斋戒。

阿难。是善男子持此咒时。设犯禁戒于未受时。持咒之后。众破戒罪。无问轻重。一时消灭。

纵经饮酒。食啖五辛。种种不净。一切诸佛菩萨金刚天仙鬼神不将为过。

设着不净破弊衣服。一行一住悉同清净。纵不作坛。不入道场。亦不行道。诵持此咒。还同入坛行道功德。无有异也。

若造五逆无间重罪。及诸比丘比丘尼四弃八弃。诵此咒已。如是重业。犹如猛风吹散沙聚。悉皆灭除。更无毫发。

阿难。若有众生。从无量无数劫来。所有一切轻重罪障。从前世来未及忏悔。若能读诵书写此咒。身上带持。若安住处庄宅园馆。如是积业。犹汤消雪。不久皆得悟无生忍。

复次阿难。若有女人。未生男女。欲求孕者。若能至心忆念斯咒。或能身上带此悉怛多般怛罗者。便生福德智慧男女。

求长命者。即得长命。欲求果报速圆满者。速得圆满。身命色力。亦复如是。

命终之后。随愿往生十方国土。必定

不生边地下贱。何况杂形。

阿难。若诸国土州县聚落。饥荒疫疠。或复刀兵贼难斗争。兼余一切厄难之地。写此神咒。安城四门。并诸支提。或脱阇上。令其国土所有众生。奉迎斯咒。礼拜恭敬。一心供养。令其人民。各各身佩。或各各安所居宅地。一切灾厄悉皆消灭。

阿难。在在处处。国土众生。随有此咒。天龙欢喜。风雨顺时。五谷丰殷。兆庶安乐。

亦复能镇一切恶星。随方变怪。灾障不起。人无横夭。杻械枷锁。不着其身。昼夜安眠。常无恶梦。

阿难。是娑婆界。有八万四千灾变恶星。二十八恶星而为上首。复有八大恶星以为其主。作种种形出现世时。能生众生种种灾异。有此咒地。悉皆消灭。十二由旬成结界地。诸恶灾祥永不能入。

是故如来宣示此咒。于未来世。保护初学诸修行者。入三摩提。身心泰然。得大安隐。

更无一切诸魔鬼神。及无始来冤横宿殃。旧业陈债。来相恼害。

汝及众中诸有学人。及未来世诸修行者。依我坛场如法持戒。所受戒主。逢清净僧。持此咒心。不生疑悔。

是善男子。于此父母所生之身。不得心通。十方如来便为妄语。

说是语已。会中无量百千金刚。一时佛前合掌顶礼。而白佛言。如佛所说。我当诚心保护如是修菩提者。

尔时梵王、并天帝释、四天大王。亦于佛前同时顶礼。而白佛言。审有如是修学善人。我当尽心至诚保护。令其一生所作如愿。

复有无量药叉大将、诸罗刹王、富单那王、鸠槃荼王、毗舍遮王、频那夜迦、

诸大鬼王、及诸鬼帅。亦于佛前合掌顶礼。我亦誓愿护持是人。令菩提心速得圆满。

复有无量日月天子。风师雨师。云师雷师。并电伯等。年岁巡官。诸星眷属。亦于会中顶礼佛足。而白佛言。我亦保护是修行人。安立道场。得无所畏。

复有无量山神海神。一切土地水陆空行。万物精祇。并风神王。无色界天。于如来前。同时稽首而白佛言。我亦保护是修行人。得成菩提。永无魔事。

尔时八万四千那由他恒河沙俱胝金刚藏王菩萨。在大会中。即从座起。顶礼佛足而白佛言。

世尊。如我等辈所修功业。久成菩提。不取涅槃。常随此咒。救护末世修三摩提正修行者。

世尊。如是修心求正定人。若在道场及余经行。乃至散心游戏聚落。我等徒

众。常当随从侍卫此人。

纵令魔王大自在天。求其方便。终不可得。诸小鬼神。去此善人十由旬外。除彼发心乐修禅者。

世尊。如是恶魔若魔眷属。欲来侵扰是善人者。我以宝杵殒碎其首。犹如微尘。恒令此人。所作如愿。

印造佛经佛像之十大利益

- 一、从前所作种种罪过，轻者立即消灭，重者亦得转轻。
- 二、常得吉神拥护，一切瘟疫、水、火、盗贼、刀兵、牢狱之灾，悉皆不受。
- 三、夙世怨对，咸蒙法益，而得解脱，永免寻仇报复之苦。
- 四、夜叉恶鬼，不能侵犯；毒蛇虎狼，不能为害。
- 五、心得安慰，日无险事，夜无恶梦，颜色光泽，身力充盛，所作吉利。
- 六、至心奉法，虽无希求，自然衣食丰足，家庭和睦，福禄绵长。
- 七、所言所行，人天欢喜；任到何方，常为多众倾诚爱戴，恭敬礼拜。
- 八、愚者转智，病者转健，困者转亨；不愿为妇女者，报谢之日，捷转男身。
- 九、永离恶道，受生善道；相貌端正，天见

超越，福祿殊勝。

十、能為一切眾生，種植善根；以眾生心，作大福田，獲無量勝果。所生之處，常得見佛聞法；直至三慧宏開，六通親證，速得成佛。

本冊印制日期：公元二〇一八年七月

免費結緣 功德無量



南無護法韋陀尊天菩薩

无我无为
顺道而行
造福苍生
普济亿灵

免费结缘 功德无量